

DISSERTATIO  
PHILOLOGICO-MEDICA

De

ÆSCULAPPIO

INVENTORE MEDICINÆ,

Quam

In Illustri Argëtoratensium Universitate

SUB MODERAMINE

VIRI NOBILISSIMI, AMPLISSIMI,

EXCELLENTISSIMI atq. EXPERIENTISSIMI

DN. JOH. ALBERTI SEBIZII,

Med. Doct. ac Professoris Celeberrimi, Dni. Præceptoris,

Fautoris ac Promotoris summè semper atque


devotè venerandi,

SOLENNI proponit Examini

M. JOHANNES LAURENTIUS Engelhardt/

Argentinenfis,

Ad diem Mensis Novembr. h. lq. conf.



ARGENTORATI,

Literis JOHANNIS WELPERI.

Anno M DC. LXIX



INCLYTO  
<sup>atq;</sup>  
GRATIOSO  
LIBERALIS LEGATI  
SCHENCKBECHERIANI  
DIRIBITORUM  
COLLEGIO,  
V I R I S

*Nobilitate Generis, Magnificentia Munerum,  
Consiliorum Gravitate, Dignationis Excellentia,  
Reverentia Dignitatis, rerum gerendarum  
scientia, & praeclaris in Patriam me-  
ritis longè Eminentibus,*

Patronis, Meccenatibus, Evergetis atque Promo-  
toribus, pio obsequio æternùm colendis,

*Æsculapianas hæc chartas  
gratiosè suscipiendas*

*submitte offert*

TANTORUM NOMINUM

*Subjectissimus & devotissimus Client*

M. JOH. LAURENTIUS Engelhardt/  
Argentinenſis.

*Ornatissimo Dno. Respondenti,  
Amico,  
Χαίρειν.*

**E**Rgo Cathedræ nobili Æsculapium  
Ipsum novo sistis Sagax conamine;  
Non ut quibus vel fabulari gloria est,  
Nomen nec ut vix cognitum qui jactitant.  
De Conditore candido Artis inclytæ,  
Antiquitas quicquid reliquit provida,  
Nepotibus senis, sacrâ caligine  
Mersum, modis enuclueas doctis satis.  
Et sedulam sic hætenus satis probas  
Industriam, quam mox, ut umbra corpora,  
Sequitur honor laudis, decusque gloriæ.  
Sed artibus si porrò dotes imbues  
Medicis Tuas, ut hætenus, næ dixerim  
Vel nunc canoras Lauream Tibinectere  
Musas, brevi quam porrigant Apollini,  
Qui lætus illâ mox premat comam Tuam.  
Sed ut integris illam queas quoque viribus  
Ambire & obtinere, votis expeto.

*Marcus Mappus Med. D.*

*Egregium*

**E**gregium est specimeu, (rumpantur & ilia Momo)  
 Amice, dum depingis **AESCULAPIUM!**  
 Iudice me placeat, qui miscuit utile dulci:  
*Vtrumq;* Disputator immò praestitis.  
 Nempe sibi cura est, describere Paonis artes;  
 Nec Philosophia vera à suo Scripto exulat.  
 Deniq; subjungis perdocta problemata nostra  
 Artu, satù voluptuoso gustare.  
 Ergò, quod superest, de capiti grator **AMICO,**  
 Laudesq;, quas meruit, lubens heic profero.  
 Crescat fama, **AETas**, numeret quo plurima lustra,  
 Summuinque, quem desideras, mox volo, Gradum!

Hisce, Amico suo conjunctissimo, Eximium:  
 hoc opus de **AESCULAPIO**, edenti,  
 voluit, debuit gratulari

**Joh. Conradus Matthies**  
 Med. Doctor.

---

**Q**uis Princeps artis Medicæ? **CHARISSIME FRATER,**  
 In Summa Cathedra disseris atque doces.  
 Hac ut Numinibus cedant votisque secundis,  
 Corde **TIBI** toto prospera cuncta precor.

Fraternali amoris ergò pauca has  
 apposuit

**Johannes Georgius Engelhardt**  
 Argent. Cult. Phil.

**PRÆ-**

## PRÆFATIO.

**A**ΝΘΡΩΠΟΝ ἀνθρώπου λύκῳ, *Homo homini lupus*, vetus erat proverbium *Græcorum*, quo significare volebant, non fidendum esse hominibus, imprimis ignotis & adulatoribus, quibus mel in ore, fel in corde, verba lactis, fraus in factis, sed tanquam à Lupo sibi ab iis cavendum. Sicut & *D. Paulus 2. ad Corinth. 11.* monet, *esse pericula*, non solum à cæteris rebus, sed & à falsis fratribus. Quod cum satis perspectum esset *Seneca, in Epistola ad Lucilium 103.* exclamavit: *Ab homine homini quotidianum periculum. Adversus hoc te expedi, hoc intentu oculis intueri. Nullum enim malum frequentius, nullum pertinacius, nullum blandius &c.* Sicut autem nihil adeò noxium, quod non aliquando etiam profit; veluti serpens, quem videtur natura genuisse occidendis hominibus, is tamen nonnumquam hominibus pharmacum est: ita etiam non semper, neque omnis homo violat, opprimit, necat, sed interdum etiam juvat, sanat, salutemque tuetur. Hoc proverbium quia non erat perpetuæ veritatis, contrarium quoque natum est, quo dicitur *Ανθρώπον ἀνθρώπου θεός, homo homini Deus*. Quo indicabatur, Deo summo æquales habendos esse eos, qui opitulati sunt præter spem & expectationem. Sed de quo quæsumus proverbium hoc magis dici potest, quàm de Medico, ægros, veluti præ-

fens:

## PRÆFATIO.

tens quoddam numen , ad pristinum statum redu-  
 cente? Nam si de illo , qui mediocri beneficio ju-  
 vat , hoc dici potest; Quid de eo dices? qui arte  
 suâ, singularique curâ atque industriâ vitam jamjam  
 fugientem retinet, ac restituit, quod Medicus facit.  
 Quid aliud? quàm ἀνθρώπων ἀνθρώπων εἶναι δαίμονιον.  
 Hæc considerantes Ethnici , & inter eos Poëtæ ma-  
 ximè, non hominibus , sed Diis inventionem artis  
 Medicæ adscripserunt: Quæ, si sano ac Christiano  
 sensu accipiantur, declarabunt , nullum alium dici  
 posse Medicinæ authorem, quã DEUM Trin- unum,  
 à quo omnia bona quotidie in nos redundant. *Tan-*  
*taquippe est , quo cum Erasmo paucis multa com-*  
*plectamur, ut , si permultas res sola commendat anti-*  
*quitas, hanc artem primam omnium repererit necessitas.*  
*Si scientiam authores illustrent , hujus inventio semper*  
*Diû attributa sit. Si quid auctoritatis addit bonos,*  
*non alia tam passim ac tamdiu Divinos honores merue-*  
*rit. Nam si magni fiunt , qua summû virû probantur,*  
*hac summos Reges , hac primates non solum delectavit,*  
*verùm etiam illustravit. Si difficilia qua sunt, ea sunt*  
*& pulchra: nihil hac operosius, qua tot disciplinû, tan-*  
*tatum rerum pervestigatione , usq; constat. Si digni-*  
*tate rem aestimamus, quid excellentius , quàm ad DEI*  
*benignitatem proximè accedere? Si facultate, quid po-*  
*tentius, aut efficacius, quam totum hominem certo exi-*  
*tio periturum, ipsi posse restituere? Si necessitate, quid*  
*ag. necessarium, atque id , sine quo nec vivere nec na-*  
*sci licet? Si virtute, quid honestius, quàm servare ge-*  
*nus humanum? Si utilitate, nullus usus neq; major est,*  
*neque latius patet. Si compendio, hac imprimû frugi-*  
fera

## PRÆFATIO.


*fera est.* Inventorem itaque constituere, *Æsculapium Apollinis* filium, quem Benev. Lectori præsentæ disputatione ob oculos ponere animus est; cum æquè pulchrum sit scire, unde originem traxerit disciplina, quam Medici tractant, ac scire, quâ simus & nos origine nati. Quo enim feliciora nunc sunt nostra secula, in quæ nos incidimus, eo suavius erit, speculari præteriti temporis caliginem. Et si Virorum Illustrium ipsa propemodum crepundia & infantiam, nescimus quâ voluptate, cognoscere satagimus; quantò magis ipsius artis nostræ, quam suscipimus & admiramur, delectabunt incunabula? Philologica autem hæc potius est materia quàm Medica, adeoque non in Medicorum solum, sed & eorum gratiam, quibus antiquitas curæ est, eam publicæ luci exponere, atque id, quod vagè hætenus ab aliis de *Æsculapio* traditum, in unum quasi placuit colligere, ex probatissimis & antiquissimis Authoribus, qui Musæa multorum fugiunt; quorum nomina, vel in materia, vel in margine, ne quem sua lauda videamur intervertisse, notavimus. Nec tamen speramus, id laboris à Viris doctis improbarum iri, quantumvis etiam quis Momus vel Zoilus ogganniat, immorari nos tricis philologicis, cum jacturâ seriorum: Non enim obstat spatium per amoenissimos Philologorum campos, sed diutius in iis hære. Curioso botanologo non sufficit necessarias easque vulgares ac patrias hortis suis inesse herbas, sed peregrinas quoque & exoticas stirpes habere, visum, ac oculos delectat. Sic nos quoque in peregrinis philologorum campis decerpimus flosculos

## PRÆFATIO

los non quosvis, sed eos, quos usui nobis esse posse vidimus. Immorati tantum sumus illis, non immortui; verba illorum allegavimus, at in ea non juravimus. Secuti quippe sumus methodum *Christiani nostri Hippocratis, Venerandi Senis D. MELCHIORIS SEBIZII*, cui non displicuit aureo isti libro, *Compendium seu Speculum Medicina* dicto, Emblematis loco præfigere imaginem *Æsculapj*, cum adjunctâ explicatione attributorum, quatenus trahi possunt ad Medicum, ejusque officium; Cujus verba, utpote quæ singula, singula in se continent pondera, non piguit nostræ disputationi inferere, & quidem sæpius de verbo ad verbum. Verum pergimus ad rem ipsam, in qua, si B. L. boni quid præstitum viderit, DEO Opt. Max. id acceptum referat, ac exinde ipsum largitorem omnis boni agnoscat: Sin mali, communi hominum sorti & humani intellectus imbecillitati adscribat, bonique consulat, amicè rogamus. Valcat, & vivat, ut post vivat!

CAPUT





CAPUT I.

*Historico Efficta Generalia*

de

ÆSCULAPPIO.

§. I.



Ræclarissima simul & verissima

Æsculapii  
Origo Divi-  
na.

est sententia illa Theognidu, quâ prudenter edocuit; *E Squilla rosam non enasci, è tribulu fscum, è sentibus uvam, ab ancillu filios liberos, ex improbiu parentibus probos filios, è Præcepto-ribus indoctis eruditos discipulos, non productum iri.* Quicquid enim in se nihil prorsum ha-

bet nisi sordidum ac ignominiosum, id nihil dignitatis vel honestatis proferre potest; quippe κακὴ κόρα καὶ ὄνος, *Malis corvi, malum ovum.* Salubribus contra ab herbis, ut germina salubria, & ab arboribus bonis boni fructus expectantur; ita à yirtute præditis parentibus honesta provenit soboles, ut rectè canit Horat. 4. Carm. Od. 4.

*Fortes creantur fortibus & bonis:*

*Est in juvenis, est in equis patrum*

*Virtus: nec imbellem feroces*

*Progenerant aquila columbam.*

Quod Horatius hic de Pueri Neronis Tiberio & Druso, privignis Augusti exclamat, id certè maximè applicari potest ad Apollinem, artis medicæ inventorem, & illius filios, artis ejusdem propagatores, Arabem scil. sive Arabum, qui apud Ægyptios reperiit

Plin. l. 7. c. 56.  
Bocat. in Ge-  
neal. Deor.  
l. 5. c. 23.

A

artem

artem medicam, & præsertim *Æsculapium*, de quo jam nobis disserendum, qui, quod Pater invenit, ipse amplificavit. *Æsculapius* autem hic pro divinæ artis dignitate, divinam prorsus habuit originem; erat enim, ut *Div. August. in l. 3. de Civit. DEI c. 12.* cum vocat, *Pronepos Matris Deorum*, quia *Cybele* Mater Deorum genuit *Iovem*; *Iupiter* Apollinem; *Apollo* *Æsculapium*. Quare à *Porphyr. in lib. de respons.* de seipso sic disserens. introducitur.

Τρίκλινος ἔξ ἱερῆς ἦκας Θυῆς, ὅν ποτε μητὴρ,  
Φοίβω ὑπαινάδειςαι καὶ σοφίας βασιλεία,  
Ἰδριν Ἰντορίης Ἀσκληπιδόν, ἀλλὰ τὶ πένυθρ.

Quos versus ita reddidit *Georg. Tragicus. interpres Euseb. l. 3. de præp. Evang.*

*Natus ego è sacra Tricca, cui tota medendi  
Ars, cui sese omnis pariter sapientia debet,  
Quem mater peperit. &c.*

Imò *Apollo* ipse vocat *Æsculapium* suam prolem apud *Ovid. l. 15. Metamorph. f. 50.*

— — — — — *nec Apolline vobis,  
Qui minuat luctus, opus est, sed Apolline nato.  
Ite bonis avibus, prolemq, accersite nostram.*

*Pater Apollo.* §. 2. Pependit igitur Spiritus *Æsculapj* ab *Apolline* inventore medicinæ, qui & *Phæbus* dicebatur, unde *Ars Medica* mox dicitur *Ars Apollinea*, ut est apud *Ovid. l. 3. trist. eleg. 3. in epistola ad uxorem.*

*Nullus Apollinea qui levet arte malum est.*

Quæ ratio nominis ab inventore derivata; Ipse enim *resse Theodonto, Diodoro Siculo, & Quintiliano.* primus herbarum vires novit, & ad oportunitates hominum earum virtutes aptavit; & ob id non solum repertor Medicinæ habitus est, sed & Deus, cum ægrotantes plurimi ex ipsius remediis sanitatem consequerentur. Hæc ex causâ ab *Ovidio l. 1. metam.* de se ipso sic canens repræsentatur.

*Inventum Medicina meum est opifera, per orbem  
Dicor, & herbarum subjecta potentia nobis.*

Mox

Mox Phæbeæ artis nomine venit. Apud eundem Ovid. l. 3. *Faster.*  
*Vos quoq; Phæbeâ morbos qui pellitis arte,*  
*Munera de vestru pauca referte Dea.*

Et l. 1. de rem. am. ita compellat Apollinem.

*Te precor ô Vates, adsit tua laurea nobis.*

*Carminis & Medica Phæbe repensor opus.*

Quod autem nos hîc tribuimus Apollini seu Phæbo, id Cn. Gellius apud Plinium l. 7. c. 36. ascribit Soli. Nil autem refert, cui horum tribuatur inventio Medicinæ, nomina quippe hæc Apollo, Phæbus, Sol, authoribus sunt *λοδραμύρτα*. Hujus tamen rei rationem reddens Macrobius de ipso Apolline loquens l. 1. Saturnal. c. 17. ita scribit. *Hinc, quod eidem attribuitur mendendi potestas, quia temperatus calor Soli mortuorum omnium fuga est.* Sicut & Divinus noster Hippocrates testatur, de temporum morbis sermonem instituens sect. 3. Aphor. 9. *Autumno, inquit, in universum morbi sunt acutissimi, & perniciosissimi. Ver autem saluberrimum & minimè exitiosum.* Vossius l. 2. pag. 367. de Orig. & Progressu Idololatr. ex imitatione Macrobij, hanc reddit causam; *Quia à Sole est plantarum generatio; qua & melius aprici succrescunt loca, quàm umbrosis & humidis.* Etiam pro Sole soloq; variant herbarum vires. Julianus verò Cæsar *ἡλιασάντης* cognominatus, Æsculapium ait ex Iove natum, ex *νοητός* i. e. Mentalibus: *quia ex Divinâ mente super terram apparuisset, per fecundi solis vitam, & Epidauri, Pergami, Tarenti & Romæ versatus.* Meibomius in Comment. ad Iulian. Hippocr. c. 5. p. 37. hæc notat de Parente; *de patre, inquit, res est incertissima: Nam stupro illam, Arfinoën scil. (quod tamen falsum) intelligit, compressam, scriptores ad unum quidem omnes testantur: At stupratoris mentionem non aliter faciunt, quàm quod Apollini Deo flagitium fabulose adscribant.* Ipsum tamen hominem vilem arg. ignobilem fuisse, Regium puella genus vix admittit. Et hanc suam sententiam autoritatibus probare conatur: Itaq; inquit, *quod Apolline progenitus credebatur* Cyrillus l. VI. contr. Julian. *Sacerdotes Apollinis id facinus patrasse conjecit, ut, ex Reinocij sententia, quam & Meibomius suam facit, culpa auctor esset honestior, cum* — — — *multi*

*Nomine Divorum thalamos iniere pudicos.*

Ovid. l. 3. Metam. fab. 17.

Prudent. l. 1.  
contr. Sym-  
mach.

Et *Se dixere Deum, ne stuprum numinis ullus  
Obſcere auderet turpi miseraue puella.*

*Fieri tamen etiam potuit, porro pergit, ut stupratori forte nomen Apollinis esset, atq; indem ille studiu occuparetur, quorum Apollo præsēs fingebatur. Medicina enim illo ayo serè non nisi intra Regum & Principum palatia colebatur, ut ex Eliano hist. anim. l. 2. c. 28. aliq; liquet. Sed cum admodum inconstans & fabulosa sit antiquitas, vix credendum tamen stupro conceptum fuisse Æsculapium; magis igitur, cum Tarquitis de Viris Illustribus, incerto patre prognatum esse, asserendum videtur; & quia Apollo præsēs Medicinæ habebatur, ed & Æsculapij, Viti in arte medicâ principis, patens dictus est.*

Tres fuere  
hujus nomi-  
nis.

§. 3. Priusquam autem ad matris descriptionem calamum moveamus, ostendendum, quot fuerint hoc nomine insigniti. *In genere* quidem, olim omnes medici celebriores dicebantur Æsculapij, ab arte hæreditaria Asclepiadea. *In specie* verò tres recenset Cicero l. 3. de Nat. Deor, quibus nomen erat Æsculapius. *Primus*, de quo nobis sermo, Apollinis erat filius & Coronidu, quem Arcades colunt; qui specillum invenit, primusque vulnus obligavisse dicitur. *Secundus*, secundi Mercurij frater; is fulmine percussus dicitur humatus esse cynosuris. *Tertius*, Arsiippi & Asinoi filius, qui primus purgationem alvi, & dentis evulsionem invenit; cujus non longè à Lusio flumine in Arcadia, locus & sepulchrum ostenditur. Quem lucum Pausanias in Corinth. scribit, montibus undiq; fuisse præcinctum, in quo ambitu, quenquam vel mori, vel nasci religio fuit, sicut in Delo Insula.

Mater.

§. 4. Non unus fuit Æsculapius, non una eademq; hinc est authorum de ipso ejusque Matre sententia. Diodorus enim & Servius volunt ex Ariadna Minos & Pasiphaës filia oriundum fuisse, quæ sententia est falsissima. Ariadnam enim Theseus in sui amorem allexit, datâque illi fide, quodd eam sibi uxorem duceret, & Hippolito Phadram sororem ejus copularet, ab ea edoctus est, quomodo labyrinthum intrare, Minotaurum superare, & filio ducto inde exire posset. Quapropter his peractis, noctu cum Ariadne & Phædra navem ingressus, in Cbium, ut quidam volunt, ut alii in Naxum, insulam navigavit, ubi Ariadne dormiente relicta ipse cum Phædrâ abiit. Cum verò expe-  
facta.

facta *Ariadne* discessum ejus intellexisset, questu atque ululatu fœmineo omnia complens, à *Baccho* ea fortè transeunte amata, & in conjugem ducta est, ex qua *Thoantem* filium, *Lemni* postea Regem, suscepit, item *Oenopionem*, *Staphylum*, *Evanthem*, *Latreum*, *Tauropolimq.* Nil legitur de *Æsculapio*; brevissimis excerpta sunt ex authoribus pluribus consulendis. *Plutarcho*, *Plinio*, *Tertze*, *Comite Natali*, *Virgil*, *Ovidio*.

§. 5. Alii contendunt genitum esse ex *Arfinoë Leucippi* filia, testibus *Apollodoro* & *Pausania*. Verùm si perpendamus *Arfinoën* matrimonio junctam fuisse *Arfippo*, non autem *Apollini*, facilè innotescet non spectare sententiam hanc ad nostrum *Æsculapium*. Dubio procul autem ducuntur hanc in opinionem, quia & *Arfinoë* filius, ut ex precedente thesi 3. patet, magni nominis medicus fuit. Subtiliores, ut errorem hunc dèvitent, *Coronidem* & *Arfinoën* veluti binomen eandem esse non dubitant, ex quibus est *Pindarus Pithior. od. 3.* & *Aristid. de condit. Gnid.* qui volunt *Arfinoën*, dum virgo esset, *Coronidu* nomine appellatam. Hos tamen sufficienter refutat *Pausanias l. 2.*

§. 6. Probabiliorem sententiam amplectentes, credunt matrem *Æsculapij* fuisse *Coronidem Larissæam*, filiam *Phlegia* Regis *Lapytharum* in *Theffalia*, Martis, ut fingebant, filij; qui *Phlegias* acerrimus fuit bellator, insuperque justitiæ ac legum tam Divinarum quàm humanarum contemptor & hostis infensissimus, unde quoq; Templum *Apollini Delphici* incendit: Hinc ad inferos detrusus gravissimè maximo cum ejulatu punitur, ut canit *Virgil. l. 6. Æneid.*

Diod. Sicul.  
l. 4. c. 9.  
Apollon. Ar-  
chonaut. l. 4.  
Hygin. f. 14.  
97. 202. &c.

*Phlegiasq; miserrimus omnes  
Admonet, & magnâ testatur voce per umbras.  
Discite justitiam moniti, & non temnere Divos.*

Hujus *Phlegia* filia, *Coronis* nomine, peperit *Æsculapium*, ut *Homerus Hymnographus* testatur, scribens.

Ἰνῆα νόσω Ἀσκληπιὸν ἄρχοι αἰδέειν,  
τίον Ἀπόλλωνος, τὸν ἐγείνατο διὰ Κορωνίς,  
Δωτίῳ ἐν πεδίῳ, κέρη φλεγύς βασιλῆος.  
h. e.

Apollonius  
l. 4.

*Morborum Medicum canto, quem Diva Coronis  
Et Phæbo peperit Phlegya olim filia Regis,  
Doctus est ubi latus agerq. Amymq. fluente.*

Pausanias quoq. l. 2. ubi satis superque rejicit opinionem ex-  
stimantium, AEsculapium vel ex Ariadne, vel Arfinoë ortum tra-  
here, pro confirmandâ suâ sententiâ de ortu ex Coronide, appo-  
nit Oraculi istius Apollinis verba, quæ hæc sunt:

*Asclepii auxilium cunctis mortalibus alnum  
Felia, quem Phlegya peperit mihi juncta cubili.  
In campis Epidauræ tuis formosa Coronis.*

Atque huic sententiæ subscribit quoque in Explicatione Emble-  
matis AEsculapici Speculo Medicina Practico præfixi, Decus Ar-  
gentoratense. Vir Magnificus, nulliq. nostro seculo comparandus, Dn.  
D. MELCHIOR SEBIZIUS Præceptor noster veneran-  
dus, piè colendus. Et quid mirum, si Apollo totus flagravît amore  
Coronidæ? dum tota in Larissâ pulchrior eâ nulla est inventa; ut  
placet Ovid. l. 2. Metam. f. 8.

*Pulchrior in tota, quam Larissæa Coronis,  
Non fuit AEmonia. Placuit tibi, Delphice, certè.*

Nativitas.

Pausan. in  
Corinth. l. 2.

§. 7. Nativitatem si spectemus AEsculapj, varia eadem  
traditur ab Historiographis & Poëtis. Ad historicam propius  
alludentes fidem; tradunt, Phlegiam Coronidis Patrem Pelo-  
ponnesum ingressum filiam gravidam ex Apolline, quod ta-  
men is non senserat, secum adduxisse, cumque in Epidauri mon-  
tem pervenisset, illam in finibus ejusdem puerum enixam, quem  
avus exposuit in monte, qui ab eventu postea Tittbiam h. e. papilla  
est vocatus; ibi enim capra lac infanti præbuisse, & sic papillis  
capræ infans nutritus esse dicitur, capram hanc canis, à grege,  
cujus custos erat, discedens, observabat, eique comitem se jun-  
gebat; unde non desunt qui existimant, lacte canino esse nutri-  
tum. Aresthanes igitur Pastor cum canem & capram gregi de-  
esse cognovisset, universum pascuum peragrans, tandem pue-  
rum cum his invenit, de cujus facie cum fulgor resplendivisset,  
Divinum quid subesse ratus, rem per universam regionem di-  
vulgavit,

Tarquit. de  
Vir. Illustr.  
Lactant. Div.  
inst. l. 1. c. 10.

vulgavit, eumque tanquam numen adotavit: *Ex quo postea tota Epidaurum Æsculapio est consecrata.* Cyrenaicus Apollodorus in libr. de Diu & Heroib. ait: *Fama est, hunc qui Æsculapium suscepit filium fuisse notum Arcadu, Autolaum nomine in agro Tbelpusio expositum.*

§. 8. Mythologos imitaturis, rem totam omnibus fabulis insitam, breviter uno sermone hoc modo complexi liceat. Coronis prægnans ex Apolline, copiam rei fecit Ischy Elati filio, cumque eodem concubuit. Id cum corvi indicio Apollini innotuisset, en! stat attonitus, præ re novâ & inauditâ, Laureâ delabitur, vultus, color, plectrumque excidit, vivam dixisset mortis imaginem. Ut rediit ad sese, ardebat ira, parat igitur patrato scelere pœnas, ut sibi videbatur, dignas, intenso enim arcu, teloque emisso, petit pectus amasiæ. Icta illa, nescis tu, quantis suspiriis, quantis gemitibus ex alto sauciato pectore petitis, scelus, contumeliam, crimen deplorât, deque gravi præpetita vindicta sit quiritata, lubens quippe tulisset, si modò peperisset; ejulans igitur dixit; Potui pœnas tibi, Phœbe, dedisse, sed peperisse prius; duo nunc moriemur in unâ? Atque inter hæc vitam cum sanguine effudit. Sed ecce! Apollinem post actum factum, post factum pœniter actum: perlucentis enim hisce gemitibus ad commiserationem motus, deposito jam crudeli animo, in seriam, seram tamen trahitur pœnitentiam; execratur quippe avem, per quam crimen innotuit, odit arcum manumque quâ confodit tenellam, loturus Æthiopem, medicas pro recuperanda salute exercet artes, sed frustra. Paratur itaque cremandæ confossæ rogi, quo visô, altos de corde petitos Phœbus edidit gemitus,

*Et dedit amplexus, injustaq; iusta peregis;*

*Nec tulit in cineres labi sua Phœbus eodem.*

*Semina: sed natum flammis, uterog; parentis*

*Eripuit geminis, tulit Chironis in antrum.*

Pausanias ex aliorum sententia refert, Coronidem prægnantem, cum Ischye Elati filio concubuisse, ob id autem à Diana interemptam, quod illa Apollini factam contumeliam ulcisci voluerit. Ardente verò rogo, à media flamma puerum à Mercurio ereptum.

§. 9. Diâtis.

Ovid. l. 2. Met.  
v. 8. f. 9.

Pausan. l. 2.

§. 9. Dictis superaddere lubet, fabulosam simul & monstrosum illam *Æsculapij productionem ex ovo Cornicula*, quam *Lucianus in Dialogo de falso Vate* hoc modo commemorat. *Frater quidam ex antiquis sacerdotibus serpentem perexiguum in ovum vacuum Cornicula inclussit, cerâq, studiosè oblitum in luro in loco quodam occultravit: Mox ara extructa populum in concionem ad eum locum advocavit, cum nunciaret omnibus palàm se Deum esse ostensurum. Post concionem incognitis quibudam vocibus usum Apollinem & Æsculapium invocavit, ut dexter ac felix illi civitati accederet. Deinde phialâ aquam hauriens in profundum demersâ ovum illud unâ cepit, quod presentibus multum fregit, pulumq, recentem serpentis inveniens, cunctos homines in admirationem rei induxit. Postea verò serpentem insigni magnitudine, paucis diebus elapsis, in loco subobscurò ostendens artificiosè se moventem, illum ita crevisse ajebat, ac Deum esse Æsculapium Apollinis filium. Hæc cæcitas gentilis! Sed hæc de Matre & Nativitate Æsculapii dixisse sufficiant, plura tamen de his nôsse cupidus, præter citatos auctores, adeat *Hygin. fab. c. 14. Serv. l. 6. & 7. AEnid. Tzetzem. Hist. Chil. 7. c. 97. Arnob. l. 1. adv. gent. Gyrald. de Div. Gent. Syntagm. 7. Cornel. Agripp. de vanit. scient. c. 83.**

Locus Natalis.

§. 10. Nativitatem hanc contigisse apud *Laceream*, (pro quo legendum esse censet *Gyraldus Syntagm. 7. Larissæam*) ad ripas *Amyni*, testatur *Apollonius l. 4.* his versibus:

Χωόμεν & περί παρδί, τὸν ἐν λιπαρῇ λαχερείῃ  
διὰ Κορωνί; ἐκίκεν ἐπὶ προχοῆς Ἀμύνοισ.

*Ob natum iratus prope pinguem quem Laceream*

*Ad ripas Amyni peperis Divina Coronis.*

Idem sentit *Homerus*, ut patet ex §. 6. *Meibomius in Comment. ad jujur. Hippocr.* ductus autoritate *Reineccii Hist. lul. part. 1. regn. XXVI.* Item, *Tranquill. de Vir. Illustr. Lactant. Divin. instit. l. 1. c. XX. Aristid. apud Scholiast. Pindar. Pythior. od. 111.* ut & aliorum, tradit *Æsculapium fuisse Messenium. Indicio id esse, scribens, maximè, quod partem Messenes, Irhomen & Oechaliam, Euryto olim regnatam, Homerus Iliad. 6. Æsculapij filium paruisse tradat: Pausanias etiam, in Messeniaci, Messenes regnum penes Nestorem totum fuisse ajat, exceptu iu populo, quibus Æsculapij filij imperarint.*



*imperarint. Non aliunde autem imperium illud ad ipsos devolutum creditur, quam ab Æsculapio ex materna stirpe progenitori-  
bus, precipue cum ipse non arma tractarit. Sed ultima hæc ver-  
ba produunt, quâ ratione Meibomius cum citatis authoribus. hanc  
in sententiam delapsi sunt, nempe quod Arsinon Messeniam ex  
regia Perieris, Regu Messeniorum, stirpe genus ducentem consti-  
tuerint: quæ tamen sententia §. p. est refutata. Pausaniam quo-  
que falsè testis loco adduci à Meibomia, clatum facit §. 6. disp.  
nostra, ubi ipse Coronidem facit Matrem, Patriam verò Epidau-  
rum, urbem notissimam Peloponnesi in sinu Saronico, ibi  
enim ne quis dubitandi locus relinqueretur, citavit verba Ora-  
culi, pro stabilienda sua sententia. Oraculo itaque Apollinis  
si habenda fides Epidaurius fuit Æsculapim, non Messenius:  
unde etiam apud Macrobiū, Arnobium, Iulium & alios semper  
Epidaurij nomine venit. Sed cum & Messenes & Larissa civi-  
tates fuerint Peloponnesi, non minùs quàm Epidaurum, sufficiat  
nobis Æsculapium in Peloponneso fuisse natum.*

§. II. Nominis impositionem quod spectat, Hebraicam alii, alii Græcam proponunt derivationem. Alii, sequentes fa-  
bulam quâ fingitur ignem ex ejus facie emiuisse, item quod  
capræ uberibus sit nutritus, & à cane custoditus, derivant à vo-  
cabulis Hebrais **אֵשׁ** & **כֶּלֶפֶד** sive **אֵשׁ** & **כֶּלֶפֶד**. **אֵשׁ** Ez  
autem significat capram, **אֵשׁ** Esch, ignem, **כֶּלֶפֶד** Keleph  
verò, canem. Hi ab artis præstantia nominis rationem dedu-  
centes, dicunt, alij quidem prius fuisse Apium vocatum, sive  
**ἄπιον** ob facilitatem & mansuetudinem, vel quia ægrotorum  
dolores medicamenti deliniret (**ἄπιον** enim blandum denotat)  
Postquam verò Asclepien quendam Epidauri Tyrannum, pro quo  
tamen quidam ponunt Aunem Daunie Tyrannum, **Ἀσκληπιὸν**  
sanasset, dictum fuisse, utroque nomine conjuncto, **Ἀσκληπιὸν**,  
quod Latini postea, paucis mutatis, pronunciârunt Asclepium,  
scu Æsculapium. Alij compositum esse volunt ex **α**, privativo,  
& **σκέλλισθαι**, quasi privet mortem, sive, ut alij dicant, **ὁ** **σκέλλισθαι**  
**ὡς ἡ ἀνθρώπων** τὸς ἀνθρώπους, non sinens ingerire ho-  
mines aut mori. Sic & Phrynicius ait, **ἀπὸ τοῦ σκέλλισθαι ἡ ἀνα-  
βάλλισθαι, τὴν κατὰ τοῦ θάνατον γήρατος ἀπολαύσεως** &c. ab ex-  
cludendo & repellendo factum per mortem interitum.

Nominis  
ratio.

Tzetzes  
Chil. 10.  
Mercurial, de  
re Gymnast.  
L. 4. c. 7.

Homer. & ex  
co Eustath.  
Tzet. Chil.  
7. c. 97.

B

Quoniam

Nymphaea, Laug. Plantac. Rosar. Solan. Vrot. Papav. errat. Sempervivi, Portulac. &c. Simplex rursus vel valdè est acris & mordax: vel mitius & temperatius. Mixtum ita se habet, ut vel illius in mixtura plus sit, quàm cæterorum ingredientium, vel minus. Hoc namque modo etiam oxyrrhodinum componi solet: quod mixtura est ex aceto & ol. rosaceo. Temperatissimum est, quod secundum *Galen. initio libelli* *απὸ ὑπερπλησίου* olei rosacei recipit partes 4. Aceti j. Sic enim mediocriter refrigerat. Quoddam verò plus Aceti habet, vehementius refrigerat: ut contrà minus, quod minus habet Aceti. *Hu præmissa distinctionibus* sic respondemus. Acetum locum habet fronti impositum in cephalalgia calida, biliosa nimirum & sanguinea. I. Quia refrigerat, At refrigeratione in utroq; opus est. II. Quia repercutit. Opus enim hac percussione propter humores ad caput affluentes: eò quòd & calor & dolor humores accersat: ipsum quoque cerebrum, quod ratione dolorum debilitatum, affluentes humores faciliè admittit. III. Quoniam adstringit, suaque adstrictione caput roborat, quod hic debilitatur. Vitandum autem Acetum in cephalalgia frigida, phlegmatica scilicet, melancholica & flatuosa, tum quia frigiditatem fovet, cum ipsum sit frigidum: tum quia status minimè discutit. Quod si in calida cephalalgia acetum usurpare placet, vel non nimis acris & mordax esse debet: & sic nervos minus vellicabit: vel miscendum cum aquis, aut oleo rosaceo, aut oxyrrhodinum admovendum. Hæc siquidem ratione, & frigus, & acrimonia, & stypticitas illius castigabitur, neque mala introducentur, quorum in objectionibus mentio facta.

*An Camphora in calidis capitis doloribus rectè frontalibus topicis addatur?*

Plerique affirmativam tuentur, statuentes, camphoram refrigerare. Alij dicunt, propterea iis misceri camphoram, quia tenuis sit atque subtilis, penetret valdè, & topicis frigidis instar vehiculi existat, quod illorum virtutem ad interiora

deducat. *Sunt*, qui asseverant, Camphoram esse calidam, nequaquam frigidā, & topicis istis admisceri propterea, quod similitudinis ratione præcalidos vapores, cephalalgie calidæ causas evocet, doloremque sedet, quorum sententia haud videtur à vero aliena esse: sicut neque secunda opinio absurda est: utrumque enim Camphora præstare potest: deducere nimirum subtilitate suâ penetrante ad interiora, & acres fervidosque halitus evocare. Quòd autem Camphora calida sit, sequentibus probari potest rationibus. 1. Quia valdè tenuium est partium. 2. Quia acris & mordax. 3. Quoniam pinguis, aërea, & oleaginosa. 4. Quia admodum odorata. 5. Quia facili negotio accenditur. 6. Quoniam levis. 7. Quia vigilas inducit. *At obijciunt* contrariæ opinionis authores, camphoram ardores capitis aliorumque viscerum restinguere: mitigare fervorem erysipelatum, collyriis utiliter admisceri in calidis oculorum epiphoris. *Resp.* Hoc facere Camphoram, non quòd per se refrigeret, sed quòd fervorem retrahat. Per accidens igitur solum refrigerat, non per se. Ambustis autem, & præter naturam calefactis membris, etiam cæpas cum sale tufas applicamus: non ut refrigerent (utrumque enim simplex calidum est) sed ut empyreuma educant. *Verùm rursus regerunt*, Camphoram extingui libitinem Veneream, & sistere gonorrhoeam, fluxumque muliebrem album. Esse proin frigidam. *℞.* Hoc facere eam, quia materiam seminalem siccat, & superfluitates absorbet.

### *An frontalia ex lacte parata in cephalalgia usurpanda?*

- Constat ex *Hippocras. aphor. 64. sect. 5.* internum lactis
- usum in cephalalgia convenientem non esse, idque propterea, quoniam est halituosum, & facilè evaporat, caputque petit, & halitibus suis meninges divellendo extendendoque capitis dolorem auget. Facilè præterea in ventriculo corrumpitur. Nidulentum enim fit in ventriculo præcalido: acescit autem in frigido: quo nomine tetrus halitibus implet caput, doloremque, condupli-

tentiùs materias à capite distantioraque loca attrahit. Verùm neque forma, neque numerus impar copiosioris est vacationis causa. Non numerus, quoniam hic est quantitas; quantitatis autem nulla est efficacia. Non forma rotunda & orbicularis: quoniam neque ista per se causa est fortioris purgationis, sed medicamen sub forma orbiculari præscriptum. Itaque si justa dosis sit ordinata, nil refert, sive pari, sive impari numero pilulæ sint assumptæ. Eademque ratio est figuræ. Nam pilulæ sub longa, triangulari, aut quadrangulari figura confectæ tantum purgant, quantum orbicæ atque rotundæ, dummodò in qualibet figura eadem ingredientium dosis sit adhibita. Causa ergò fortioris purgationis non est figura, aut numerus impar, sed vis ingredientium quæ valida. Neque verum, quòd pilulæ ventriculo in hærentes, humores ad se & ad ventriculum prolecent: aliàs enim, si illi ad locum, cui insunt pharmaca cathartica, attraherentur, attraherentur quoque ad umbilicum, quoniam huic purgantia quandoque admoventur. Attraherentur etiam ad manus, quia observatum, quosdam purgatos fuisse, qui pilulas aliquandiu in manibus gestarunt. Attraherentur quoque ad nares: eò quòd quidam purgati fuerint, cum purgantia medicamenta tantum olfecissent. Forma pilularis ad purgandum caput non improbat: sed hoc solum dicitur, quòd forma ipsa per se fortioris purgationis capitis causa non sit: sed quia pilulæ, quæ diutiùs hærent in ventriculo, quàm forma liquida, aliquid ex se in corpus transmittunt, quod humores vi abditâ movet, ipsamque facultatem expultricem irritat & stimulat, ut humores noxios unà cum cathartica medicina expurget.

*Qua causa, quòd strictior fortiorque  
capitis ligatura dolorem leniat?*

Lenire ejusmodi ligaturam capitis dolorem, experientia docet. Propterea etiam ceu levamen aliquod à vulgo adhiberi solet. Hoc autem facit non in quovis dolore, sed in tenso tantum & punctorio, in quo meninges à cerebro quasi divelluntur: idque cumprimis à penetrante & tendente flatu. Arcior igitur fortiorque capitis ligatura arcere videtur, ne me-

φοῖβε ἈπόλλωνⓈ κρατερὸν θάλαⓈ, ἀγλαόμορφον,  
 ἔχθρ' ἐ νότων, ὕγίαν ἔχον σύλλεκτρον ἀμμουφῆ.  
*Stirps Phæbi præclara, thori cui splendida consors*  
*Est Hygiea, gravium morborum pulsor & hostis.*

§. 21. Ex Epione filios duos suscepit, *Machaonem & Podalirium*, viros eo tempore in arte Medicâ præstantissimos, qui FIMI.  
Hom. Iliad.  
C. & d. Cels.  
l. 16. unâ cum Græcis militârunt ad Trojam. *Machaonem* *Homerus* l. c. *equalem* *Deo* dicit; *Propert.* l. 2. postquam *Philoctetem*, *Herculis* sagittâ hydræ veneno. tinctâ vulneratum sanavit, de eo cecinit:

*Tarda Philoçteta sanavit crura Machaon.*

Ab hoc *Ovid.* *Medicam opem* vocat *Machaoniâ*, & *artes Medicas*, *Machaonias*. De *Podalirio* autem hoc quoque veteribus Ovid. l. 2. de  
Rem. Amor.  
l. 3. de Pont.  
Eleg. 4. & l. 9  
de Pont. Ep. 4 monumentis traditum est, quodd. cum ex adversis maris tempestatibus, in Caria à caprarum pastore servatus, & hospitaliter acceptus ad *Damathum Regem* fuisset perductus, ejus filiam nomine *Syrnam* tecto delapsam, cum aliis quibusdam medicamentis, tûm misso ex utroque brachio sanguine persanavit, quod Rex admiratus, illum sibi generum ascivit, *Chersouso* illi tradita. Observanda hîc cura conveniens lapsis ab alto per venæ sectionem. Est enim præsidium 1. *παροχρητικόν*, seu *derivatorium*, *Gal.* l. 5. *meth. med.* c. 3. quia per eam humores, qui jam ad partem aliquam affluerunt, nondum tamen ei impacti hærent, ad aliam partem eamque vicinam deducuntur. 2. Est & præsidium *ἀντισπαστικόν*, *Revulsorium*, quo humores actu fluentes, ad contrariam retrahuntur. Humor enim fluentium medela est revulsio; eorum verò, qui jam membrum obsident derivatio. 3. Ubi sanguis nimio affluxu fervidus, partibusq; impactus, doloris phlegmonis existit causa, sit etiam *Refrigeratorium*. Et quoniam spiritus ob terrorem reducuntur, àque suo minere & liberâ ventilatione avocantur, ob impetuosum sanguinis affluxum aut motum, accidit, uti natura S. M. adjuncta, fascinâ istâ molestâ depositâ, tanquam per refrigerium vires recipiat, & actiones *Vitales*, *Animales*, & *Naturales*, feliciter peragat. Galen. l. 2. ad  
Clauson. c. 2.  
de cur. per  
S. M. c. 8.

§. 22.

Com. Natal.  
l. 4. c. XI, p.  
376.

Meibom. l. c.  
c. 6. §. 12.

Interitus.

Cyprian. de  
Idolor. vanit.  
§. 8.  
Minut. Felix.  
p. 24.

§. 22. *Filius* habuit *quinque*, quas non secus quam filios docuit Medicinam, atque ita docuit, ut non secus ac ipse eā in arte excelluerint, ob insignia etiam in mortales merita, numero tandem Deorum adscriptæ, aris statuisque fuerint honoratæ. Nomina ipsi erant: *Iaso* ab *Oropibus* honorata, dicta ab *ἰασθαι*, quasi sanatrix. *Ægle*, quæ corporis splendorem notat, bonamque habitudinem ex sanitate profectam; quod tamen *Theodor. Zuinger.* refert ad gloriam & existimationem, quæ medicum insequitur & concomitatur. *Aceso*, ἂν τὴν ἀχρῶσθαι, à Medendo dicta. *Hygeia*, ab *ὑγία*, à sanitate; Ionica enim dialectus apud Hippocr. *ὑγία*. Hæc insignis fuit ob Medicinam, ut patet ex cultu pluribus in locis cum *Æsculapio* communi; apud *Epidaur.* *Corinth.* *Argiv.* &c. *Panacea*, quæ omnium morborum sanationem promittit: est enim compositum nomen ex *παν* & *ἄν*, unde *παναῖς* dicitur, quod ad omnia est salutare. Hinc *Antidota* & *Emplastræ*, ob virium præstantiam, *Panacea* audiunt; apud *Galen.* l. 7. κατὰ τόπον c. 5. *Aëtium* *tetrab.* 4. *serm.* 3. c. 13. & 15. *Nicol. Myreph.* *sect.* 1. c. 228. &c. *Panacea* autem dicuntur, non sensu *Paracelsico*, quasi omnes morbos tollant, hoc enim nec ipsorum *Panacea* præstat, sed quod multa imò plurima mala levent, *Meibom. l. c.* sextam addit *Πόμυν*, latine *Valentiam*, seu robur membrorum & artuum. Verùm ex mente Glossographorum hæc cum *Hygeia* eadem fuit; Ab hac dictam vult *Marianus* seu *Morinus* apud *Servium Roman.* ab hac verò *Romulum.* vid. *Salmas.* in *exerc. Plinian.* ad *Solin.* p. 6. D. & E.

§. 23. Sed eadem ars, quæ multis extitit causa salutis, auctori facta est causa mortis. Ab inferis quippe Diis, ut ingeniose tradunt Poëtæ, coram Jove accusatus, quod eorum imperium minueret, propterea quod defunctorum animas ad superos arte medendi traderet: ab exacerbato Iove, fulmine idus est. Nam ut *Ovidius* l. 6. *Fastor.* scribit:

*Iuppiter exemplum veritus direxit in illum.  
Fulmina, qui nimia noverat artis opem.*

Et Virgil,

Et Virgil. l. 7. *Æneid.*

*Tum Pater omnipotens aliquem indignatus ab undis  
Mortalem inferis ad lumina surgere visa,  
Ipse repertorem medicina talis & artis,  
Fulmine Phæbigenam stygias detrusit ad undas.*

*Lactant.* l. 1. c. 10. & 19. dicit, fulminibus ab Iove detrusum in ab-  
dis inferorum, ob inmortuos resuscitados. vid. & *Arnob. advers.*  
*Gen.* l. 1. & 4. *Plin.* l. 29. c. 1. *Plato* in l. 3. de Rep. ob senem pe-  
cuniosum, ex lethali morbo sanitati reserutum, petiisse scribit.  
Ob avaritiam & auri cupiditatem fulmine percussum esse no-  
tant *Pindar. Pyth. od. 3.* & *Euseb. prep. Ev.* l. 3. *Cyrillus* contra  
*Julianum* his consentiens, insuper addit superbiam & arrogantiam:  
Nam *Æsculapius*, inquit, ubi sub *Api* preceptore in medicina  
profectus, inflatus atq; superbiens, se etiam Deum nominabat, &  
mortuos ab inferis excitare posse, delirans affirmabat: Veniensq;  
ad *Ep. dauros*, & ibi summam sibi gloriam arrogans, quendam se  
esse Deum, fulmine ictus est, pœnam illi dignissimam Deo inferente.  
*Judicium Gyraldi* ad hæc est; *Iulianum* honestè quidem & sub-  
limè hæc de *Æsculapio* excogitasse, sed semper nimium menda-  
cem esse.

*Gyrald. Hist.  
Deor. Syntag  
7. p. 246.*

§. 24. Mortem hanc graviter tulisse *Apollinem*, patet ex *Patris Luctus*  
eo *Quintiani* in *Cleopoli*.

*Iuppiter, Hippolyto, stygia à fornace redempto,  
Ecquid Apollineam retonanti fulmine prolem  
Opprimis?*

*Lachrymas* autem ejus in *Electrum* versas esse, his versibus pro-  
dit *apollon.* l. 4. *Argonaut.*

Κελτοὶ δ' ἐπὶ Γάλην ἱερῷ  
ὡς ἀρ' Ἀπόλλωνος τὰ δὲ δάκρυα Λητοίδας  
Ἐμφέρεται δίναις, ἀτὰρ μυρία χεῖρ' ἀπορρίπτει.

— — — *Celta* famam fecere quod illis  
*Latoida Phæbi lacryma* volvuntur in imo  
*Flumine*, quas multas in nati funere fudit.

C

§. 25.

Divinatio.

§. 25. Virum tamen adeo præclarum Musa vetat mori; nam & post funera virtus vivit. *Æsculapius* quippe, veluti Diis cæteri, propter beneficia, quæ in genus humanum contulit, fuit in Deorum numerum relatus. Ita enim Cicero ait; Divos, & Ollos qui caelestes semper habitati, colonio: & Ollos quos in cælum meritis vocarint, *Herculem, Liberum, Æsculapium, Castorem, Pollucem, Quirinum*. Divinis autem honoribus prosequi cæpit, modò post bellum Trojanum. Triginta enim octo annis, postquam apud Argivos regnasset *Hercules*, Divinitatis honore cultus, ex *Apollodori Chronol.* scribit *Clem. Alexand. Stromat. l. 2.*

Inter sydera relatus.

§. 26. Ne verò Diis reliquis minor videretur aut inferior, inter sydera quoque collocatus est, dictus *Græcè ὀφειχῶς Ophiuchus*, perperam *ὀφιδανῶς*. neque enim trahit serpentem, sed manu tenet, unde latine *Anguinenens*, vel *Serpentarius*. Arabicè ex corrupto Græco, *Afeichus*, dicitur. Anguem autem idè tenet, quia herbà illà à serpente monstratà *Hippolyrum* (alii volunt *Glaucum*) vivis reddidit. Quamvis alij velint *Ophiuchum* esse *Canobontæ* Getarum Regem. Alij *Triopam* Thessalorum Regem. Alij *Phorbantem* Triopæ filium. Alij *Naufragum Paulum* cum vipera manibus implicita, cui tamen minacis viperæ insultus in Melitè nihil nocuit, *Astr. 28. v. 6.* Pleniotem hujus sideris cognitionem B. L. petat ab Astrologis.

Perott. Cornucop. col. 581. & 374. Schickard. in Explic. Astroscop. p. 41. §. 74. & p. 97. Templi ea condita, Henric. Meibom. disp. de incubatione in sanis Deor.

§. 26. Ex quo autem Deus esse jussus est, ejus in honorem multa variaque variis in locis extrui cæpere templa *Ἀσκληπείου*. *Plutarcho & Pausania* dicta; à quibus deinde varia nomina ipsi sunt indita. *Epidaurius* quippe dicebatur à Templo primo eoque nobilissimo ei condito in Epidauro Peloponnesi oppido, à quo distabat VM. passuum; erat autem templum istud, teste *Liv. l. 45.* Dives donis, quæ ægri remediorum salutarium mercèdem sacraverant Deo. Proximum huic fuit, *Coum* in *Co Insulâ*. *Hippocratis* patriâ, clarum & multis donariis refertum. *Pergamæ* quoque seu *Pergamæni* nuncupatus, à *Pergamo* celebri urbe *Assiæ*, *Galen*i patriâ, ubi summo cultu venerabatur; hinc *Mariæ*.

*Pergameo posuit, dona sacra Deo.*

Sub quo nomine eum etiam invocat *Q. Serenus* pro felici successu, in initio ferè libri de re medica.

Qui



*Quiculis Aegæas, qui Pergama, quiq. Epidaurum:  
Huc ades, & quicquid cupido mihi sæpè rogatus  
Firmaſti, cunctum teneris expone papyrū.*

*Athenæus* l. XV. *Siracusanum* quoque fuisse refert in *Sicilia*, *Dionysii* tyranni direptionibus magis celebratum, erat enim in eo inter alia donaria mensa aurea, quam auferri jussit *Dionys.* postquam præbuit poculum boni Dæmonis *Æsculapio*. Plura habuit templa, & ab iis plura cognomina, sed brevitatæ causa B. L. remittimus ad *Pausan.* *Strabon.* l. 8. *Polyb. hist.* l. 1. *Gyrald. de Diu. syntagm.* 7. *Roma* tamen etiam, licet serius, coli cœpit; postquam sub formâ ingentis serpentis *Romam* advectus, è navi prope *Tiberim* insulam in turrem profiliit.

-- -- -- *Et finem, specie cœlesti resumpta,  
Lucibus \* imposuit, venitq. salutaris urbi.*

\* i. e. pesti.

Malo hoc sublato, *Romani* extra urbem templum ei in *Insula* (quia ægroti aquâ maximè sustentantur à Medicis) novo Deo *Plutarch. Q.* dedicârunt, ubi sub serpentis deinceps imagine coleretur. Quâ *Rom. probl.* de re vid. *Liv.* l. X. *Val. Max.* l. 1. c. 8. *Flor.* l. 11. *Oros.* l. 3. *Aurel. Viſt. de vir. illustr.* c. 23. *August.* de Civ. Dei. l. 3. c. 12. & 17. *Ovid. Metamor.* l. 15. f. 51. *Insula* autem ista, ubi sibi Templum erigi petivit, *Sueton. Claud.* c. 25. *Insula Æsculapii* dicitur, hodiè *Insula S. Iob. Colevita* vocatur, asserente *Fabricio in Roma* pag. 85. *Boissard. de Divinat.* c. 1. p. 3. *Auxilia per Somnia.* §. 28. Magnoperè verò, inquit, *Vossius* l. 3. *Theol. gent.* c. 35. p. 900. malignus spiritus illuſit gentibus, remedia indicando in somniis, quibus sanitati restituerentur. Hoc animo in templo dormiebant *Æsculapii*, de quâ *Aristophanes act.* 2. *scen.* 3. *Plut.*

— Κατακλινῶν αὐτὸν εἰς Ἀσκληπίῳ  
Κράτιστόν ἐστι.

*Cubitum eum reponere in Æsculapii fano optimū est.* Et *Iamblichus, de Myſter. Ægypt. serm.* 3. c. 3. ait, medicinæ artem sacris constare, nocturnarum apparitionum insomniis; in què *Æsculapii fano*, morbos hoc pacto tolli insomniis divinitus immisſu. Plura vid. apud *Voss.* l. c. Quibus itaque contigisset eum invocare, si convaluissent *Æsculapii* ope, qui quandoque sacerdoti dixisse

*Iamblich. de Myſter. Strab.* l. 8. *Gilbert. Co. gnat. ad somn. Lucia.* p. 24.

philoftrat. in  
vit. Apollon.  
l. 1.  
Strabo lib. 17.  
& 8, exprefse  
p. 258.  
Langius l. 1.  
Epist. 51.

Art. Gymnaſt.  
l. 1. c. 1.

diſſiſſe ferebatur remedia, veheméter in ægrotis curandis occupa-  
tus, factū crdebant, pro qua re *tabellæ piſtæ*, in quibus & morbi,  
& medicamina, & nomina eorū ſcripta erant, parietibus templo-  
rū appendebant, votaſque perſolvebant, tanquā præmia illorū be-  
neficiorum, quæ divinitus accepiſſent. Quales autem tabellæ  
fuerint, conſpicere eſt in proclivi ex quatuor illis Inſcriptionibus  
tabullæ marmoreæ inventis Romæ in Inſula Tiberina in templo  
*Æſculapii*, quas nobis reliquit Hieron. *Mercurialis*, dignas lectu.  
I. Hiſce diebus Caſo cuida: n ca. oraculum reddidit, veniret ad ſa-  
crum altare, deinde à parte dextra veniret ad levam, & poneret  
quinq; digitos ſuper altare, & elevaret manum, & poneret ſuper  
proprijs oculos: & rectè vidit populo præſente & gratulante, quodd  
grandia miracula fierent ſub Imperatore noſtro Antonino. II. Lu-  
cio affecto lateris dolore, & deſperato à cunctis hominibus oraculum  
reddidit Deus, veniret & ex arâ tolleret cinerem, & unâ cum vino  
commiſceret, & poneret ſupra latus: & convaluit, & publicè gra-  
tias egit Deo, & populus congratulatus eſt illi. III. Sanguinem re-  
vomentis Juliano, deſperato ab omnibus hominibus, ex oraculo re-  
ſpondit Deus, veniret & ex arâ, caperet nucleos pini, & comederat  
unâ cum melle per tres dies, & convaluit, & vivens publicè gratias  
egit præſente populo. IV. Valerio Apro militi cæco, oraculum red-  
didit Deus, veniret, & acciperet ſanguinem ex gallo albo, admiſcens  
mel, & collyrium conſiceret, & tribus diebus uteretur ſuprà oculos;  
& vidit, & venit, & publicè gratias egit Deo. Qui verò morbo  
levatus non erat, hiſ verſibus inculcabat Deum:

Mercurial.  
var. lect. l. 1.  
c. 12.

*Migrare certum eſt, jam nunc e ſano foras,  
Quando Æſculapii ita ſentio ſententiâ.  
Ut que me nihili faciat, nec ſalvum velit.*

Philoftr. de  
vita Apollon.  
l. 1.

Cauſam repulſarum affert Apollonius in reſponſione ad principem  
quidem virum inter *Cilices*, ſed contumelioſum, & in amores  
propenſum, qui petebat ab Apollonio, ut eum in templum in-  
troduceret, ſtudioſos, inquiens, viros Dii abſq; ſequeſtre amant.  
*Virtutis & honeſtatis ſtudioſum hoſpitem Deo me fecit, eodemq; fretus,  
quoad fieri ab adolescente poteſt, ſamulus & amicus Æſculapii di-  
cor. Quod ſi tibi pari modo virtutis honeſtatiq; cura eſt, fidenter  
ad Deum accede, & quicquid vu, audacter ab eo pete. Boni enim  
& ſancti.*

& sanā, inquebat sacerdos Æsculapī, *Dii dant bona, scelestis autem & pravi contraria.* Dictum hoc suum adductū in precedentibus verbis aliquot exemplū satū probavit. En elegans ac præclarum ethnici dictum! quo demonstrat non semper Medicum in causa esse, quoddam morbi prorsus non, alii verò difficulter curentur, sed sæpè ægrotum ipsum, aut vitam ejus sceleratam, ob quam à Deo, tanquam pœnā illius sceleribus dignissimā, hoc vel illo malo affligitur.

§. 29. Solenniter etiam supplicabatur Æsculapio & Hygiea, additis formulis, pro salute sua & suorum, quæ supplicationes erectis, in honorem ejus & filiarum, columnis, inscribebantur: unicam saltem formulam placet apponere, quæ, teste Zamoscio in analect. antiq. Daciae c. VII. Alba Iulia videtur, plures videri possunt apud Meibom. l. c. c. 6. p. 56.

Supplicationes ad ipsum.

## ÆSCULAPIO. ET. HYGIÆ L. SEPT. NIGRINUS. PATRO. COLL. FABR. COL. APVL. PRO. SALVTE. SVA. ET SVORUM. POSVIT.

§. 30. Sacrificia quoque ei fiebant ex victimis. A Cyrenais immolabatur ei capra; vel quia à capra nutritus fuisset, vel quia sanitati adversarium animal videatur, cum laboret perpetuā febre. Alexander ab Alexandr. Genial. dier. l. 4. c. 12. refert, in sacrificiis Æsculapio Gallinas esse oblatas, easque non luteis rostris aut pedibus, ut quæ minus puræ, sed nigris, digitisque imparibus. Nigra enim animantia saniora & puriora judicantur. Pierius quoque salubritatis gratia & quidem in magna copia ei gallinas oblatas censet. Quæ verò, inquit, gallina apud veteres Æsculapio est immolari solita, salubritatis indicium erat, propterea quod id sacrificii genus idè ferunt institutum, quod eorum caro levissima sit digestionis, ac perinde languentibus commoda. Hujus rei apud Angelum. Colorium deprehendimus locupletissimum testimonium: Magnam quippe pedum gallinarum copiam proximis diebus defossam juxta cippum, in quo Roma Æsculapii statua

Sacrificia.  
Didymus l. 9  
Pausan. &  
Plin. l. 8. c. 30.

Plin. l. 10. c. 36.  
Aet. tetrab. 2.  
serm. 2. c. 52.  
Ioh. Pier. Hieroglyph. l. 23.  
p. 172.

*erecta erat, loco qui hodie vivarium appellatur: qui enim tanto numero pedes ejusmodi congeisset, nisi sacrificiorum reliquias ibidem relinquere mos fuisset. Vide & Meibom, l. c. p. 47. & seqq. & Philostrat. de vit. Apollon. l. 1.*

**Festa.** §. 31. *Festa quoque ipsi instituebantur, Ἀσκληπεία dicta; eaque celebrabantur apud incolas Insula Tib. Iovi & Aesculapio, I. Kalend. Januarij, teste Gyrardo in Calendario, ex Ovidio. Apud Arbenienses verò die XVIII. Decembr. ut refert Alex. ab Alex. Dier. Genial. l. 3. c. 19.*

**Ludi.** §. 32. *Celebrabantur etiam in luco Aesculapij, qui in Arcadia habetur, Ludi quinquennales, die nono post Isthmios, ante Megarenses, tamen incipiente vere, iique apud Epidaurios, penes quos natus fuisse dicitur. Com. Natal. l. 4. c. 11.*

**Simulachra.** §. 33. *Variè quoque ejus Simulachra effinxit antiquitas. Pausanias, Aesculapii Simulachrum ex auro & ebore, à Thrasimede Pario elaboratum scribit. Is in throno sedebat, virgam tenens in manu: supra verò draconis caput manum alteram habebat, cui etiam canis assistere videbatur. Apud Sicyonios templum Aesculapii erat, in cujus vestibulo imberbius erat Aesculapius ex auro atque ebore confectus, Calamidis opus, sceptrum unà, alterà verò manu domesticæ pinus pomum tenebat. Idem in Corinth. sic describit; in Titane montibus simulachrum, cujus sola se facies, manus atque imi pedes ostendebant: partes cetera lancea tunica alba & pallio velabantur. Ne tamen nimis prolixi simus in particularibus descriptionibus, universalem ex omnibus collectam hanc damus, cujus singulas partes in distinctis capitibus explicaturi sumus. Galero, sive Petafo, Pileove rotundo, quem vulgus Biretum nuncupat, caput tectum habebat: Barbam alebat demissam ac sylvescentem: Pallio erat indutus: manu dextrâ tenebat baculum nodosum; cui circumvolutus erat serpens: sinistrâ gestabat Pini Pomum: Ante conspectum illius stabat Noctua: ad pedes positus Canis: à lateribus Gallus & Draco. Et hoc modo eum depingit, Nobiliss. Dn. D. MELCHIOR SEBIZIUS Præcept. noster omni ætate venerandus, in Speculo Medicina. Item Rosinus l. 2. c. 16. 17. antiquis. Roman. & Gyrard. in bist. Deor. syntag. 7.*

§. 34. Sed quid multa scribimus de Æsculapio, cum maximum adhuc sit dubium circa quæstionem, An unquam extiteris? Nam Comes Natal. in explicatione mythologica, Patrem ejus dicit fuisse Apollinem h. e. Solem; Matrem Phlegiam, h. e. calorem Solis; Æsculapium, nil nisi aëra, cujus filia Hygiea &c. h. e. salubritas & bona valetudo. Nisi enim Sol calor aërem perpurgat, ac rariorem facit, & nisi vi quadam humoris in ipso aëre relinquatur, nulla potest esse salubritas. Ad hæc respondemus, narrationem de Æsculapio dupliciter considerandam esse, uno modo Fabulosè, uti ex hæcenus factâ delineatione B. L. satis vider. Altero, Historicè, quatenus Poëtæ sub nomine Æsculapii vendidârunt, principem aliquem Medicum, cujus nomen celarunt, qui multos sanitati restituit, conclamata antea valetudine creditos. Sed quia & ille tandem, fatali omnium lege, leti calcavit viam, occasio præbita est omnibus eum desiderantibus calumniandi Jovem, quasi merâ illum invidiâ sustulisset. Ergo finxere eum à Deo irato, fulmine percussum. Hoc modo extitisse admittimus, non illo.

An, & quis fuerit Æsculapius?

Pausan. in Achaic. p. 119.

Voss. l. 2. c. 12. de orig. & progr. idol.

§. 35. Cur autem authores tam unanimi consensu Diis eorumque filiis inventum medicinæ tribuant, eleganter explicat Quintilianus in declamat. 268. cujus proinde verba adscribi merentur: *Medicina, inquit, auctores ante omnia accepimus Deos: sive (ut maximè reor) ut hac infirmitas hominum haberet adjuventa aliqua, atq; solatia, sive tantum huic arti tribuere majores, ut eam vix crederent humanis potuisse ingenii inveniri: sive ipsa Medicina per se sacrum est.* Hinc Tiraquellus Jctus post longam contemplationem, multiplicis diversitatis in corporibus humanis, infinitorum discriminum in tot millibus herbarum, tot generum morborum, & remediorum adversus morbos quoslibet repertorum, tandem in hæc verba erumpit. *Hæc, inquam tam additâ rimari curâ, tam ardua viribus animi adipisci, tam multa memoria complecti, tam necessaria ad salutem universi mortalium generis in commune proferre, nonne prorsus homine majus ac planè Divinum quiddam fuisse videtur? Sed & hujus rei causa in id rejici potest, quod, ut dicit Campanus, nihil tam pestilens atq; contagiosum, nullum malorum extat genus, cui non sine à Medicis excogitata saluberrima remedia, sive ambulare claudos, loqui balbutientes*

Cur Diis & eorum Filiis inventio Medicinæ adscripta.

De Nobilit. Primig. c. 31. § 35.

busientes & mutos, resipiscere stultos & insanos plerumq; videmus, qua res par miraculo, si miraculum non sit, Divinitati assignanda videri potuit. Item Deus homines naturâ producos: Medici arte, curâ atq; vigilantia tuentur. Deus nobis vitam dedit, eam Medici (quod Deo proximum est) conservant, & jam fugientem retinent, atque multo efficiunt diuturniorem. Quæ testimonia, non à Medicis petita, forent enim, ut dici solet, testes de domo, satis tùm Originem Medicinæ demonstrant Divinam, tùm rationem cur non nisi filiis Deorum à veteribus concedita.

## CAPUT II. De Tegmento Capitis.

### §. I.

Consideratâ præclarâ origine, vitâ & morte Æsculapij, ordinis ratio postulat, ut & insignia tanti viro attributa explicentur. Ne autem ὡς ποὺ ἀπορίας procedamus, à Capite, ut parte principe corporis, initium faciemus, quod, Cap. I. §. 33. Galero seu petaso, pileove rotundo, quem vulgus Biretum vocat, tectum fuisse diximus.

Lauro cinctus.  
Rosin. antiq.  
Rom. l. 2. c. 17  
Scholiast. in  
Aristoph.  
Pluto.

§. 2. Non desunt tamen, qui Lauro cinctum fuisse contendunt; ex hac ratione, quia *Laurus* venenū resistere credita est, ac plurima petantur ex ipsa remedia, tùm quia triumphantes ea coronantur, ipseque Æsculapius victor debellatorq; esset morborum: Deinde, quia *Laurus* quoq; videtur adversus fulminis ictum tueri, quandoquidem arborum una non icitur fulmine. Id adeò verum credidit Tiberius Cæsar, ut, tonante cælo, nunquam non gestaret capite lauream coronam. Unde ob præstantiam carmen illud:

*Sum Laurus virtutis honos pergrata triumphis,  
Janitrix domus, fulmina dira fugo.*

*Hostibus immissa & pacem requiemq; laborum,  
Victori palmam lætitiâq; fero.*

Vid. Polydor. Vergil. de rer. invent. l. 3. c. 4. & Nicol. Perott. Corn. cop in 7. Marcial. Epigr. p. 619. Horum sententiam quidem non rejicimus, placet tamen retinere cum alijs Galeam aut Pileum.

§. 3. Dicitur

§. 3. Dicitur *Galea seu Galerus* ὑπὸ τῆς γαλῆς, à *Musfela*, German. ein Wisfelin; γαλήνη enim denotat *Cestum seu selem & Musfelam*, in domibus frequentem præcipuè villaticis, gallinarum, leporum, pipionum & ovorum maximè appetentem, noctuque ferè tantum grassantem, è quarum pellibus fiebant *Galexæ*. Vetusissimis enim temporibus *Galexæ* fiebant ex pellibus mutorum animantium: unde *Galeati* sæpè dicti sunt *Cor-nuti*, quia *Galexæ* loco sumebant pellem capitis bubuli cum cornibus. Postquam verò pro pelliceis galeis introductæ sunt æneæ ac ferreæ: figuram tamen muti animantis, aut capitis saltem, in ea expresserunt. *Pileus* quoque remotè dictus à *pelle*, ab hac quippe, quia ex ea prodiit, dicitur *pilus*, composito vocabulo *capillus*, quasi capitis pilus; cum autem *Pileus* vel fieri solet ex *piliis*, vel *pilos regis*, dictus inde est pileus. Vel dicitur ὑπὸ τῷ πιλῶν, quod est condensare & cogere, quia ex lanâ coactili densatur.

§. 4. Latè etiam atq; ἀναλογικῶς accipitur vocabulum *Pilei seu Galea*. I. Pro *Hippomane* s. caruncula illâ nascente in fronte equi, porci pullorum; verùm malè, quia est tuberculum, caricæ simile, non χόριον & πῖλον, quod ab equa parturiente projicitur: χόριον quippe Græcis dicitur, τὸ κάλυμμα τὸ συγγενόμενον ἐκ τῆς κοιλίας. II. Pro *pellícula aut membrana corpus tegente*. Unde III. Latini *pelliculam* illam, quâ infantes caput velatum habentes in lucem prodeunt, vocant *Galeam*, den *Glückshelm* / si mas est; *Vittam*, das *Glückshäubel* / si fœmina. Alii si adhæreat parti, aliter vocant, ut si manui, *Chirothecam*; si corpori, *indusium* aut *camisiam*. De his velaminibus pervetus superstitio est, quam & hodie obstetrices in credulis mulieribus fovent. Felicitatem portendere non solùm, sed & conferre, si vel comederint, vel secum gestârint: Exinde quippe hos posse vaticinari, ab armis tutos esse, aliaque habere privilegia nugantur, ut omnia dexterritate magnâ & singulari felicissimoq; successu efficiant, siquidem *Rubicunda* illa fuerit: unde obstetrices illam rapiunt, venduntque credulis advocatis; siquidem *Causidici* se illo adjuvari persuasum antiquitûs habebant. Si enim *Nigricante* colore ea membrana sit, tanquam ex tripode pronuntiant deliræ ignaræque mentes vatium, multa infantibus

*Etymologia.*  
Salmast. in  
Exerc. Plin.  
p. 1009.  
Voss. l. i. de  
orig. & pro-  
gress. idol.  
c. 27.

*Pilei & Galeæ*  
acceptio lata.  
Salmast. Exerc.  
Plin. p. 939.

Joh. Antonid.  
van der Lind.  
Med. Phisiol.  
artic. xvii.  
Vopis. Fortū.  
Plempius  
Fundam. Me-  
dic. l. 2. c. 5.  
Aelius Lam-  
prid. in vita  
Antonini.

D

infesta,

infesta, multaque sinistra iis impendere, ac spectris strigibusque fore obnoxios, denique insomniis nocturnaque inquietudine divexandos, nisi hæc comminuta potui exhibeatur. Verum quid color quæso hic portendit? cum sit accidens, cujus nulla

Lemn. de oc-  
cult. natur.  
mirac. l. 2. c. 8.

Anatom. re-  
form. l. 1. c. 36  
p. 194

De form. fœ-  
tus part. l. c. 6.

Galez & Ga-  
leri discriminē.

Genera pile-  
orum.

vis. Quo enim, inquit Lemnius, color iste referendus aliter, quam ad circumfusus, qui utero innatant, humores: ex illis enim coloris varietatem sibi asciscit &c. Quare non immerito, à Plempio l. 2. c. 5. hæcce mera & germana gerra vocantur: solus quippe huius membranae usus existit in utero, extra eundem verò planè nullus. Audiamus etiam de his Thom. Bartholini Anatomici probatissimi iudicium verissimum: Ego, inquit, ex neutro augurium desumo. Tàm galeatos infelices vidi, quàm nudos, imò hos illi interdum fortunatiores, casuque evenit, quod infirmis iuxta ac robustis adhareat. Nihil autem aliud Bartholino videtur, sicut & Lemnio, Parao, Plambio, ac Antonida van der Linden, quam Annij pars, quæ secundùm Lemnium, à felici validoque enixa matris remanet, genitalibus robore naturæ distentis, in difficiliore verò partu relinquitur. Spigelius contra, in debilitate tum matris tum fœtus id arbitratur contingere, ob quam Embryo membranam istam rumpere nequit; unde non de nihilo est, quando concludit, esse ferè brevioris vitæ, qui aliquâ in parte velati nascuntur.

§. 5. Inter Galeam & Galerum tamen duplex discrimen est. Vnum, quod Galerus acuminator, & turbinator Galea. Alterum, quod Galerus erat plerumque è pellibus aut lanâ ferarum, Galea ut plurimum ex ære.

§. 6. In universum tamen Triplex erat genus pileorum: quo sacerdotes utebantur. Apex, pileum subtile circa medium virga eminente. Tutulus, pileum lanatum metæ figura. Galerum, ex pelle hostiæ cæsa. Vid. Sueton. lib. de genere vestiment. Nos Quartum addimus genus, Regibus proprium, nempe Tiaræ; hanc enim soli Reges Persarum coni instar erectam, Duces verò, tanquam gravitatis signum, inclinatam gestabant. Tiaræ, Curtius l. 3. vocat Cidarim, verba ejus sunt; Cidarim Persa Regum capitis vocabant insigne. Hinc Brissonius existimat, Tiaræ, Citarim seu Cidarim, Causiam seu Petasum, Pileum, & Tyrbasiam, re quidem, quatenus caput tegunt, unum idemque esse.



autem *Erasii* argumentum respondetur, tametsi amuleta noxia non educant humores, adversantur tamen illius malignitati, quæ humoribus inest, quæque mali causa est: non quidem manifestâ aliqua, sed omninò abdita qualitate, quæ à forma specifica ortum trahit. Habent enim non solum elementares qualitates sua contraria, sed etiam occultæ. *Ad secundum.* Licet amuleta partes affectas & causas affectionum immediatè, & physico contactu non contingant, contingunt tamen illas eo contactu, qui virtutis appellatur, quâ ratione Sol & Luna hæc inferiora corpora contingere dicuntur: Magnæ quoque; ferrum, etiam longius à Magnete distans. Experientia etiam testatum fecit, quosdam, qui ob *artitudinæ* quandam à felibus abhorrebant, in sudores syncopticos, animique deliquia incidisse, cum ejusmodi essent in conclavi, in quo & feles fuissent etiam inclusæ, & ab hominibus minimè visæ. *Ad tertium.* Licet amuleta naturale temperamentum non lædant; immutant tamen eas qualitates, quæ occultæ sunt, quas fugant & demoliuntur, Nam sicut in elementaribus qualitativibus datur contrarietas, ita & in occultis: quæ etiam antipathiarum sunt causæ.

### *An frictiones in paroxysmo Epileptico aliquid habeant utilitatis?*

De hoc quæsito contrariæ extant Doctorum sententiæ. *Erasius* disp. 4. contra *Paracelsum* arbitratur, cum frictiones nihil ex loco affecto, ipso scil. cerebro evacuent, nihil etiam utilitatis præstare posse. Alii persuasum habent, conducere friciones plurimum, si scil. cum pannis calefactis & asperis instituantur deorsum versùs, & quidem satis fortiter, in brachiis, scapulis, dorso, cruribus & tibiis. Quorum sententiam nos non improbamus. Rationes sunt sequentes. I. *Quia* ejusmodi friciones partes calefaciunt, poros aperiunt, humores & flatus attenuant, faciuntque, ut discutiantur & insensibiliter exhalent. II. *Quia* sensus, qui in Epileptico paroxysmo sunt sopiti, excitant, atque efficiunt, ut laborans ed citius ad seipsum redeat. III. *Quia* vapores cerebrum petentes avertunt, & deorsum trahunt. Nec obstat *Erasii* ratio, quâ dicit, obtusum

esse partium sensum in paroxysmo, hocque nomine frictiones non sentire. Nam etsi sensus sit obtusus, & frictiones partes non sentiant, tamen frictiones partes calefaciunt, meatus aperiunt, humores & vapores discutiunt, exitum illis præbent per reclusos poros: eosque à capite avertunt.

### *An spasmus affectus sit periculosus & lethalis?*

De spasmo quæritur universali, non particulari. Illum periculosum & lethalem esse affectum, ex Hippocrate doceri potest. Nam *aphor. 6. sect. 5.* ait, tetanum posse hominem interimere intra spatium 4. dierum. *Ratio est*, inquit *Galen.* in *comment.* quoniam natura tam gravem tensionis, quæ utriusque sit, laborem, & hinc ortum dolorem diù ferre nequit: ac ob id primo statim dierum criticorum circuitu malum judicatur. Est enim, inquit *Galenus* tetanus compositus spasmus ex opisthotono & emprosthotono. Ideoque utroque deterior. Idem *Hippocras.* convulsiones omnes malas & periculosas proclamat, quæ fiunt à copioso sanguinis fluxu, *aphorism. 3. sect. 5.* & *aphorism. 9. sect. 7.* Ab immodica purgatione, quam *ὑπερκαθάρσις* vocant: *aphor. 4. sect. 5.* Ab ileo, *aphorism. 10. sect. 7.* A muliebri profluvio, *aphor. 56. sect. 5.* A vigiliis, *aphor. 18. sect. 7.* A vulnere, *aphor. 2. sect. 5.* A febre ardente, *aphor. 13. sect. 7.* Refert *Schenckius l. 1. observat. 238.* schemata horribilium spasmorum, quibus musculorum & tendinum capita ad divulsionem usque extensa visa sunt. Narrat etiam ibidem, quendam calcaneis clunes attigisse. Sed doloribus supervenientibus acerbissimis, & vigiliis diem suum obiisse. Idem affirmari potest de motibus convulsivis. Nam & isti sæpè lethales esse solent: quoniam vires vehementer debilitant: id quod sæpius in infantibus observamus.

### *Sintne in Spasmo principaliter nervi, an musculi affecti?*

*Resp.* Utramque partem affectam esse: sed musculos, ut instrumenta motus voluntarij: nervos, ut vectores spirituum animalium, sine quibus muscoli movere membra non possunt.  
Princi-

Principaliter tamen musculi videntur affecti : ratio est , quoniam spasmus motus est depravatus , estque involuntaria & perpetua musculorum contractio : scilicet tandiù , quandiù causa perseverat . At motus istius organum sunt musculi : non nervi per se , sed tantùm per accidens . Nervus enim , quatenus nervus est , causa est motus , sine quâ motus fieri nequit , non autem causa principalis . Est etiam causa sine qua sentire partes non possunt . Præstant igitur nervi quidem usum necessarium ad motum , sed proxima motus organa non sunt : neque musculos , & per consequens etiam neque membra , in quæ musculi implantantur , per se movent . Neque sanè etiam movere & contrahere musculos & membra , in quæ illi inseruntur , possunt . 1. Quia maxima illorum pars aded est minuta , aded mollis , tenera & delicata , ut si contrahendo moverent musculos & membra dicta , disrumperentur faciliè : præsertim in violentis & continuis convulsionibus , quales in Epilepticis deprehendimus . 2. Quia plerique non κατ' αὐτὸ secundùm rectum , sed flexuosè musculis immiscuntur . Itaque non possunt semper eodem modo musculos & membra eorum flectere , & contrahere . 3. Quia musculi semper moventur & contrahuntur versùs sua principia . At sic moveri nervos minime videmus propter eorum flexuositatem .

*Cur in convulsivis Epilepticorum motibus  
principes pereant actiones , in vero  
autem spasmo non semper ?*

Ratio diversitatis est , quia in Epilepsia cerebrum semper est affectum : modò per essentiam : modò per consensum : materia cerebro communicata à ventriculo , intestinis , utero , liene , &c. In spasma autem verè ac propriè dicto causa tantùm circa partem affectam hæret . Etenim in ἐμπροσθεν , in quo cervix totaque spina versùs anteriora flectuntur , aded ut ager se erigere , erectusque incedere nequeat , cervicis & spinæ musculi , qui corpus versùs anteriora flectunt , afficiuntur . In ἐπισθεν , in quo corpus versùs posteriora incurvatur , musculi qui id versùs illa flectunt , laborant . In τετρας in quo partes

corporis æqualiter antrosum & retrorsum tenduntur, & tenentur quasi in æquilibrio manent, dicti muscoli noxam patiuntur utrinque.

### *An spasmus fiat à repletione & inanitione.*

Ita docet Hippocrat. aphorism. 39. sect. 6. Cujus sententia subscribit Galenus, utiturque similitudine à chordis & coris desumpta. Nam quemadmodum hæc corpora, si vel Soli, vel igni exponuntur, absumpto humore corrugantur, brevioraque evadunt: & sicut ubi humorem aliquem imbibuerunt, latitudine & crassitie aucta, longitudo imminuitur, & breviora redduntur, ita quoque arbitratur Galenus, idem in nervis & musculorum fibris ac tendinibus accidere, ut illis resiccatis, aut humore refertis, breviores fiant. Hinc Hippocrat. spasmi ab inanitione facti, sæpius meminit. *Convulsio sive spasmus*, febris superveniens malum, aphor. 26. sect. 2. *Convulsio* ab Heliebore lethalis, aphor. 1. f. 5. *Convulsio* ab hypercatharsi mala: aphor. 4. sect. 5. *Convulsio* à copioso sanguinis fluxu pernicio-  
sa, aph. 3. f. 5. *Convulsio* à nervis pessima: aphorism. 13. f. 7. *Convulsio* à vigiliis prava: aphor. 18. sect. 7. Idem judicandum de convulsione, quæ fit post diuturnas inedia, immodicos labores & exercitia corporis. Hæc enim ab inanitione provenire perhibetur. A repletionem verò orta censetur, 1. quæ sequitur partium musculosarum inflammationem, 2. Crapulam atque ingluviem, 3. Suppressam aliquam vacationem, quæ prius erat consueta, 4. aut intermissam corporis exercitationem. Verùm hæc duas causas spasmi recentiores non admittunt. Et quidem contra inanitionem seu resiccationem, sequentia proferunt argumenta. I. Quia fieri non videtur, ut in vivo corpore tanta oboriatur siccatio nervorum ac musculorum, ut instar coriorum, lororum, & chordarum, Soli, vel igni expositarum, resiccantur, corrugentur, & contrahantur: sine humore enim & calore nemo mortalium vivere potest. II. Quoniam qui hæcica *μαρμαρίδες* laborant, spasmo conflictarentur omnes. At hoc falsum esse, praxis ostendit quotidiana. III. Quia idem spasmus etiam

ufus in acetariis alibi frequentiffimus exiftit; herbam hanc alii *barbam petra* vocant; in Gallia Transpadana *barbula hircina* dicitur; ad Græcorum fimilitudinem, *τράζ* quippe hircus, *ωός* barba eft. Eft & *uva barbata*: Barba item *lovii*, quæ eft Cytifus incanus Creticus: ut & *Barba Capra*, alio nomine *Plmaria* feu *regina prati*, Denique Plantula illa, quæ *Pimpinella sanguiforba minor*, à Germanis *Herrgottsbärtlin* appellatur, ob hirsuta capitula. Sed hæc *ἀνδρογυνός* duntaxat barbata vocantur.

§ 4. Circa eruptionem barbæ notandum, eam non uno eodemq; tempore exire, sed pro temporamentorum diverfitate in hoc citius, in altero tardius, id in calidioris, hoc in frigidioris naturæ constitutis. Tempus tamen universale, constituitur à Medicis & Phycis, inter *Pueritiam & Iuventutem*, ab anno plerumque XVIII.

§ 5. Prodiens barba è latebris suis ornamento est Viri & Adolescentibus: sicut enim pili caput ornant præfentes, absentes dedecorant; juxta illud Poëtæ: Ornamentū.

*Turpe pecus mutilum turpis sine cramine campus,  
Vt sine fronde frutex, sic sine crine caput.*

Ita & barba mentum virile. Ridiculum namque est, sceminam esse barbatam, contrà verò virum esse imberbem, mentumque habere, & genas pilorum expertes, deforme: *Venerabilis autem magis mas apparet*, inquit Galenus l. II. us. part. c. 14. *si ætatis progressu pili pulchrè labiū & mento circumfundantur.* Hinc Germani *senem barbatum* vocant, ein schöner alter fluger vnd verständiger Mann. *Iuvenem imberbem*, ein jung Lappen- oder Milchmaul/ das noch nicht unter den Alten mit einreden soll.

§ 6. Non tamen ornamento saltem est barba prædiens, sed etiam signo, unà quasi cum barba crescente crescere & iudicium seu rationem & rerum experientiam; Quare ad hanc ætatem progressi demum officiis publicis præesse, eaque negotia obire incipiunt, quibus prioribus annis indigni censebantur.

§ 7. Ad roborem quoque, Virilitatē, & maturitatē ad procreationem, significationem à natura viri est concessa. Unde Diogenes

Rationis  
signum.

Virilitatis  
signum.

*Diogenes* dicebat, se idēd barbam gestare, ut virum se esse supin-  
de recordaretur.

Dignitas ej9.

2. Reg. c. 9.

Pierius l. 32.

Hicoglyph.

§. 8. Magno etiam in honore & dignitate habebatur apud veteres barba. Hinc *Cynicus* apud *Lucianum*, tam deformē putat esse, ornamentum barbæ auferre viro, quā *Leoni* jubas detondere. Sic *Legati* *Davidis* summā credebantur affe-  
cti ignominia, quod *Rex* *Ammonitarum* non solum vestes eorum ad medias usq; nates, ita ut neque ferenda amplius tegere possent, prae-  
cideris, verum etiam curavit, ut dimidia pars barba refecere-  
tur, quo altera duntaxat faciei parti esset barbata, altera verò im-  
berbi, & consequenter valde deformis, ac intuentibus ridicula. Quanto in honore habuerint barbam, colligere est ex hoc, quod  
*Diis* primitias ejus offerre soliti sunt. *Thesei* enim exemplo, qui primus *Delpiū* anteriorem capillum dedicavit, scribit *Alex.*  
ab *Alexandro* *Genial. dier. c. 18. l. 5.* *Athenienses* juvenes cum ex  
*ephebu* excessissent, anteriorem somam *Phæbo* & *Æsculapio* aut  
*Libero* obulerant primitias: Postea *Romani* adolescentes magna  
indolu, prima lanuginis barbam *Diis* consecrare usurpârunt. Cui  
consentit *Suetonius* in *Nero: c. 12.* *Gymnico* sic scribens, quod  
in septis edebat, inter *Buthysæ* apparatus, barbam primam *Ne-  
ro* posuit, conditam in auream pyxidem & pretiosissimū marga-  
ritū adornatam *Capitolino Iovi* consecravit. Et *Dion.* in *Nero:*  
Post hac celebravit festa alterius generis, quæ dicuntur *luvenalia:*  
ea propter barbam ejus, quantum primum rasa fuerat, facta sunt:  
cujus pilos in spheram auream conjecit, *Iovi Capitolino* conse-  
cravit.

Applicatio  
ad Medicum.  
Medicus sit  
expertus,

§. 9. Indigētat ergō barba ad eam jam ætatem pervenisse  
se debere Medicum, ut experientiam, velut alterum *Medicina*  
crus, sibi comparāris. Eo enim desiderato, Medicum claudica-  
re est necesse: quantumvis crus alterum, ipsi videlicet ratio, illi  
addit. Unde *Hippocrates* usum & experientiam egregium *Δι-  
δασκαλίων* libr. de flat. appellat. & l. de artic. requirit à Medico  
multarum rerum usum, dicens, πολλῶν γὰρ ἔμπειρον δεῖ εἶναι ἰα-  
τρὸν, Multarum enim rerum usum oportet habere Medicum. Et  
*Iannu Damascenus* *Aphor. 88.* vult, ut ægrotus Medicum eligat  
fidelem & expertum, eoque diu utatur. Et *aphor. 103.* nullis  
inquis, credendum est, quantumvis literato Medico, nisi ætatem  
habenti

habenti & experto. Denique *aphor.* 48. asseverare minime dubitat, Medicos illiteratos, rerum imperitos & adolescentes ut plurimum homicidas esse. Sed cum *experientia sit difficili*, juxta *Hippocrat. sect. i. aphor. x.* Non facile nisi in senem aut provectioris ætatis hominem cadit: qualem *Apulejus Metam.* l. 5. vocat, *senectutis proluxa beneficio multum experimentum instructum*. Seris enim, inquit *Ovidius*, venit usque ab annis prudentia. Et, in antiquis, ait *Iob. c. 12.* est sapientia, & in multo tempore prudentia: eò quòd prudentia acquiratur experientiâ; experientia autem longo demum tempore, scil. post diuturnam rerum singularium tractationem comparetur. Itaque huc respiciunt, inquit *Meibom.* Poëtæ, quando ducibus suis *Mexicos adjungunt senes*; ut quando *Ænæ apud Virgil. Æn. 12.* præstò est *longævus Iapè*, Hannibali *apud Silium Ital. l. 5.* *Synalus senior*.

## CAPUT IV.

### *De Pallio Æsculapij.*

#### §. I.

**N**on solum autem *Pileatus* aut *Barbatus*, sed & *Palliatu* cernitur *Æsculapius*, prout Virum apud Græcos celebrem honestumque decebat. Quod enim *Toga* (à tegendo dicta) erat Romanis, id *Pallium* (sic dictum, quia palàm gestatur, aut quia reliquas vestes totumque corpus palliat, ab inusitato verbo pallio, quod est tego) Græcis; unde *Palliati* dicuntur pallio induti, sicut *togati à toga*; item *palliatæ comædia*, quæ scriptæ sunt secundum ritus & habitus Græcorum Palliatorum.

§. 2. Et quia totum reliquum corpus, & cæteræ vestes pallio tegebantur, aut saltem ita comparatum erat, ut quæ oculis submovenda tegi possent, *Pudori & Castitati* insigne habebatur; sicut *Palla* mulierum, quâ indutæ dicebantur castæ ac honestæ mulieres: Et *stola* apud Romanas Matronas castas, quâ non aliter utebantur, quàm viri *Tunicâ*. Quod tamen non omnibus aequè conveniebat, sed tantum primariis; Hinc *mulier stolata* pro honestiore, locuplete ac primariâ; *Togata* verò pro plebeja & minoris dignitatis, imò, quia sola ancillæ & im-

E

pudicæ

*Pudoris & Castitatis insigne.*

*Statius l. 7. Theb.*

puđicæ omnes eâ utebantur, pro meretrice seu projectæ pudoris fœmina, & pro prostibulo, usurpatur. Ex hac causâ, si cui impudicitiam exprobrare mews erat, togam muliebrem induisse dicebatur. Apud *Martialem Pudor solatus* dicitur. qui honestiores matronas maximè decet. Plura de hisce vestimentorum generibus & usu legantur apud *Aldum Manus. l. 2. de quasit. per Epistol. Epist. 2. Rosin. Antiq. Rom. l. 5. c. 32. & seqq.*

Illustrium  
Viro-  
rum  
proprium.

§. 3. Non tamen cuivis sine discrimine licebat *sumere pallium, sed tantum Viri iug, Illustribus & insignioribus*, non servis, non infamibus: Eodem modo, quo apud Romanos, præter solos Viros, ut & ingenuos puerosq; nobiles, *Togam virilem & prætextam purpuram*, ut ex purpuræ rubore ingenuitatis pudore regerentur, nemo gestabat. Eâdem quoque Magistratus Urbani, & Sacerdotes, & Senatores in diebus festis utebantur. Hinc prætextati dicti sunt, qui in ætate essent prætextata, i. e. puerili & Magistratu: id tamen observandum, eas qualitate clavi fuisse distinctas. *Vid. Rosin. antiq. Rom. l. 5. c. 33.* Infamibus eandem, quibus aqua & igni interdictum, gestare non licuit, asserente *Plin. lib. Epist. 4.* Insignioribus autem & honestioribus propriam fuisse togam, mutatio illa Reipubl. sub Augusto facta satis docet, ubi Republ. & Imperio labente, toga, quæ olim civibus necessaria erat, apud paucos & non nisi honestiores remansit, vulgus autem spretâ eâ abiit ad penulas, lacernas aut tunicas. *Consulatur Sueton. c. 40. Iust. Lips. l. 1. Elect. c. 13.*

Philosopho-  
rum propriū.  
Beroald. ad  
lib. XI. Apu-  
leji.  
Agell. l. 9.  
c. 2.

§. 4. Sicut *Barbam* alere prolixam, ita & *Pallium* gestare *Philosophi* solebant. Quare *Herodes Atticus apud Gellium*: quendam barbatus barbâ usque ad pubem portectâ, palliatumque (qui ex eo habitu philosophus videri volebat) ita taxavit: *Video barbatus & pallium, Philosophum non video.* Convenienter dictum, quippe non omnis barbatus est sanctus, non omnis discalceatus integer, denique non omnis cum sacerdotali veste sacerdos: cum sæpè sub tali habitu flagitiosissimi nequissimiq; delitescant; de quibus dici potest, *dolosi homines, dolosa vestimenta.*

Medicorum  
habitus,

§. 5. *Pallium* verò peculiarem olim *habitus* fuisse *Medicorum*, cum *Meibom. l. c.* ex multis colligimus. *Albricus Philosophus lib. de Deor. imag.* ubi de *Æsculapio* agit, *ejus imago*, inquit,



inquit, erat homo quidam cum barba valde proluxa, indutus habitu Medici. Eum Medici habitum Virgilius & Statius vocant *Pæonium*, à *Pæone* Medico Deorum. Habitus autem hic fuit *pallium*, ut *Cap. 1.* diximus. Quod si Clementi Alexandrino fides habenda, Medici eam ob causam Ægyptiis dicti fuerunt *πασοφόροι*, seu *palliolati*, aut *pallium gestantes*: quo loco etiam pallium morosius ordinatum Æsculapio tribuit; quod & *Terullianus facit l. IV.* de pallio. Medicinam enim facturi aut opus aliquod aggressuri, pallium retorquentes, se succingebant, ne cui id ipsis esset impedimento. Unde *Virgil. l. 6.* Japidem Æneam curaturum ita introducit

*Æneid. 12.*  
*Stat. Syly. l. 1.*

*Strom. l. VI.*

*ille retorto*

*Pæonium in morem senior succinctus amictu:*

Ubi per *retortum amictum* indicat Medicis olim longam fuisse vestem. Quo spectat id *Ovid. l. VII. Metam. f. 11.* de Medea, Medicinæ perita, & Medicamina collectura, quibus *Æsonem* rejuvenescere faceret: *Egreditur rectis vestes induta recinctas.* De Synalo Annibalis Medico, *Silius Ital. l. V.*

*Intortos de more accinctus amictus.*

§. 6. Quod Capite præcedente de Barbâ dictum, idem ferè hic se offert in consideratione *Pallij* sive *Vestitus Medici*; Indicat enim *Pallium*, ad eam jam ætatem pervenisse Medicum debere, in quâ & ratio & experientia maximè vigeat, ut in virili accidit: Quod citiùs autem hæc adipiscatur ad Philosophiam applicare animum necesse habet; Hæc quippe adjutus facilè ad veritatis fundum descendet, ut quæ veta quæque falsa sint, dignoscere possit. Quapropter sapientiam i. e. *Philosophiam*, inquit Hippocrates lib. de orn. decent. ad Medicinam, & hanc ad illam transferre oportet. Medicus enim Philosophus, est Deo aequalis. Neque enim multa est inter ipsas differentia. Videatur etiam *Galen. in lib. quod optimus Medicus idem sit & Philosophus*. Ubi tamen per *Philosophum* intelligimus, non eum, qui de infinito vacuo, & id genus innumeris aliis disputat, quæ loquacibus hominibus garrendi materiam subministrant, & ingenia juvenilia contentione & curiositate enervant, qualem *Galenus* vocat *Philosophum in angulo sedentem*, quia domi & in

Applicatio  
ad Medicum.  
Ratio & Ex-  
perientia vi-  
geat in Medi-  
co.  
Sic Philoso-  
phus.

Fuchf. in  
Comm. ad  
Gal. l. 3. de  
loc. labor.

locis secretioribus ille rerum contemplationibus indulget, quarum tamen in vitâ humanâ vel nullus, vel exiguus admodum est usus: Sed eum, qui naturam corporis humani diligenter explorat, ac proinde in *Logico*, ut inde ratiocinandi methodum, & in *Physico*, ut rerum naturalium peritiam adipiscatur, bene sit versatus; ne facile à vero aberraret; hoc tamen discrimine, ut eâ non consideret propter se & veritatem, qui finis est scientiæ: sed propter opus, ut scil. mederi possit, nempe quomodo sanitas præsens sit conservanda, & amissa recuperanda. Juxta illud, ubi desinit Philosophum, ibi incipit Medicum.

Argenter.  
Comin. 1. ad  
Galen. art.  
Med.

Vestitus Me-  
dici.  
Hip. de Ele-  
gant.  
Gal. 6. Epid.  
fest. 4. com. 9.  
Hipp. l. de  
Medico.  
Castitas.

§. 7. *Castitatis* quoque admonetur Medicus per pallium, & *ἱστῆμα*, vestitusq; decori; qui, ut Hippocrates monet, non tam ad superfluam curiositatem, quam optimam existimationem & animi moderationem sit comparatus; neque plus sumptuosus, ut arrogantiam præ se ferat, neque nimium vilis, aut sordidus. Querit enim ager, non quod visui arridet, sed quod prodest. Cum verò cum mulieribus nuptis & innuptis assidua sæpè sit Medico consuetudo, & res ipsi multum occurrant pretiosæ, in his omnibus temperantem esse oportet: prout Hippocrates in iure jurando monet; *Castam*, scribens, & ab omni scelere puram, tum artem, tum vitam præstabo: Et quascumq; ades ingressus fuero, ad egrotantium ingrediar salutem, alienus ab omni injuriâ, voluntaria & corruptela, cum aliâs, tum præsertim rei veneræ, in corporibus mulierum &c.

## CAP. V. De Baculo Æsculapij.

### §. 1.

Baculus  
Æsculapij.  
Ovid. Metam.  
l. 13.  
Alex. ab Alex.  
in Genial. di.  
er. l. 1. c. 28.  
Pier. Hiero-  
gl. l. 19.

Quo magis autem adnotaretur, quanti facienda sit Medicina ac Medicus, dicatur etiam ei est *Baculus*, isque nodosus live agressu circumvolutus serpente; eo modo, quo externorum Regum sceptrâ in summo ciconiam, in imo hippopotamum habebant: quo argumento Regem iustitia obsequi debere, atq; feritatem & indomitas libidines, ne ira defeviat, emollire significabant: Quod ciconia summa pietatis, hippopotamus violentissimum foret animal.

### §. 2. Regius

§. 2. Regius proinde est habitus *Æsculapio* à priscis assignatus; Artemidorus enim definiens regium ornatum, ait, *τὸ ἐστὶ, διάδημα, καὶ σκήπτρον, καὶ ἀλλασγίς*, h. e. Diadema, & sceptrum; & purpura. Sceptri autem loco fuisse vel id indicare potest, quod *Lucius in floridis* scribit, *peram & βαλὺν Πηλοφίλου Cynici hoc esse, quod Regibus diadema, quod Pontificibus galerus*. Unde *Diogenes* baculo vice sceptri gloriabatur. Neque enim ubivis locorum Reges scepra gestabant, sed pro diversitate gentium, variabant quoque insignia Majestatis. *Lydia* namque Reges, *sceptri loco* habuerunt *securim*. Romanis verò Regibus *lituus* cuspidē incurva, qui etiam virga auguralis erat, *sceptri loco* est habitus. Quade re consul. *Liv. l. 1. decad. 1. Ageū. l. 1. c. 8. Macrob. Saturnal. l. 6. c. 8. Rosin. Antiq. Roman. l. 10. cap. 29.*

Regium insignē,  
Artem. l. 2. c. 3

Plutarch;  
probl. c. 152.  
Cicer. l. 1.  
de Divinit.

§. 3. Non tamen omni tempore veteres scepra gestabant, (exceptis Babyloniiis, qui tanto studio scepra prosequuti sunt, ut extra domum sine scepro prodire aut conspici nefas ducerent) sed ferè saltem cū jura populis dabant: Sic enim *Apollon. l. 4. Arg. de Alcinoō* scribit,

Imperantiū  
propriū.  
Herodot. l. 1.

— ἐνθ' ὅγε χεῖρὶ  
Σκῦπτρον ἔχεν χρυσοῖο δικασπόλον, ὃ ὑπὸ πολλοῖς  
ἰδιέας ἀνὰ ἄστυ διακρίνοισι θίμισας.

*Vbi ipse manu tenebat aureum sceptrum ad judicia: sub quo multis aqua per urbem dijudicabant jura. Hinc summè venerabantur tū sceptrum ipsum, tū eos qui dirigebant scepra; juxta illud Iasoni adversus Peliam Regem; Nec verò angunt me hac domum tuam valdè amplificantiā: Sed sceptrum Monarchicum, & solium, cui olim Cretheides insidens equestribus populis dirigebat jura. Sciebat enim Regibus longas esse manus, eorumque sceptrum valere adversus insultantes, quare nil audebat movere. Baculum autem defensionis loco fuisse, argumento est illud: Psalmo 2. Virgā ferreā, h. e. scepro ferreo, confringes eos. virga namque in sacris sapē ponitur pro scepro. Vel id Cleomeni Atheniensium ducis, qui cum propter omnium in se odium insanus est effectus, baculo se adversus insultantes muniverit.*

Pindar. Pyth.  
od. 4.

Pier. Hiero-  
Glyph. l. 4.

Medicorum  
imperandi  
potestas.

§. 4. *Baculus* ergo primum *imperandi potestatem* innuit, quam Medicus in ægros, adstantes, artisque ministros, Pharmacopæos, Chirurgos, barbitonfores, scarificatores, rizo-  
thomos & alios habet. *Galenus* enim libro *an ars ὑγιεινὴ ad Medicinam pertineat?* cap. 44. scribit, Medicinam & maxime partem ejus ὑγιεινὴν & θεραπευτικὴν, artibus aliis, veluti quandam architectonicam ac principem præesse: præcipiendo, non quidem quid, aut quibus organis operari debeant, sed quomodo agere teneantur, ut præsens sanitas conservetur, & amissa restituatur. Et *Plinius* l. 24. c. 1. Medicinam tantam habere potestatem asserit, ut artium unam Imperatoribus imperare dicat.

Medicinæ  
dignitas

§. 5. Deinde idem baculus, dextrâ manu ab *Æsculapio* gestatus, in memoriam nobis revocat, *Medicæ artis dignitatem atque excellentiam* tantam esse, ut Reges & Principes, qui sceptra gestare solent, eam colere, augere, exercere, magnoque in honore habere, non fuerint dedignati. Id quod exemplis *Constantini IV.* Pogonati, Imperatoris Constantinopolitani. *Evacu*, Regis Indiæ, *Jubæ*, Regis Mauritanix, *Zamolxidos*, Regis Thraciæ, aliorumque plurimorum, quorum nomina silentio involvimus, demonstrari potest: Longum tamen catalogum horum reperire licet apud *Tiraquellum de Nobilit.* c. 31. Ubi & refert nec *Angelū*, nec *Sanctū* & *Apostolū*, imò nec *Lebo-va* vel *Salvatori* nostro displicuisse, vel Medicis se æquiparare, vel eandem artem facititare. Hinc apparet, quantum à veritatis viâ recedant illi, qui artem medicam servilem, & primos medicos servos faciunt, quam sententiam acerrimè defendit *Rosinus*, & pro eadem sententiâ allegati ab eo authores, tum historici, tum Jcti. *Tiraquellum* verò l. c. ut his subtilior ac Medicorum fautor videatur, scribit, & *servos liberalibus artibus erudiri posse*, quod multis illustrat exemplis, sed his ipsis apertè prodit mentem suam. Quia tamen opinio hæc jamdudum satis est refutata, velut ab *Obicio in lib. de dignit. Medici*, & *Berneggero*, aliisque; idèò hîc non erimus prolixi: id tamen dicere placet, I. eos confundere primam Medicorum ætatem, cum sera fervorum ætate. II. Abuti nomine *Medici*, servi enim illi non fuere Medici, nisi quis *consorem* & *Medicum*, vel

Non est scr-  
vilis ars.

Antiq. Rom.  
l. 2. c. 17.

ad Sueton.  
Cæf. c. 42.  
Iul. Alexand.  
de Medic.  
l. 3. p. 177.

vel *rabulam* & *ICrum* eosdem putet, sed *larrolepra* ac *Medica-  
stri*, quales hodie sunt *Empyrici*, *Pseudomedici*, *balneatores*,  
*fabri* &c. qui si interrogantur, utrum & à quibus artem di-  
dicerint? non verentur respondere se non didicisse, sed inve-  
nisse, scil. ex receptis seu schedis *Doctorum* in taberna medi-  
camentaria; verum hoc eorum *invenire* potius vocares *furatis*,  
& eos *idiotas*, *Medicos*, non nisi cum adjunctione literæ *R.* inter  
*E.* & *D.* III. Obstant dignitates, præminentia, immunitates  
& privilegia *Medicis* concessa in *Jure*, quod servos rejicit, ut  
patet in *l. inter eos. §. ult. ff. ex quib. caus. maj.* & in *leg. si duas.*  
*§. Grammatici.* & *l. Sed & reprobari. ff. de excu. tut. & in l. ult.*  
*ff. de muner. & honor.* & in *l. 2. C. qui non ob long. temp. præscr.*  
& in *l. 1. C. de decr. decur. l. 1. & in l. 10. & in l. Medicos. & in*  
*l. Archiatri. &c.*

§. 6. *Dicatus quoque Æsculapio est baculus, quia Me-* Medicina  
fulcimentum  
vitæ.  
Galen. l. 9.  
meth. c. 10.  
*dicina est fulcimentum quasi vite humana sensim labantis: Vi-*  
*res quippe, & per has sanitatem, conservare, est vitam conser-*  
*vare. In Sacris etiam baculum consolationis, auxilii & su-*  
*stentationis signum deprehendimus, juxta illud Davidis Ps. 23.*  
*Virga tua & baculus tuus consolata sunt me.*

§. 7. *Baculus autem fingebatur nodosus, ut & artis Me-* Medicinæ  
difficultas.  
*dicæ difficultas, & curarum quæ gerendæ, gravitas, & morbo-*  
*rum, causarum morbificarum ac symptomatum, quæ curandæ,*  
*multitudo; & remediorum, quibus in curatione utendum, co-*  
*pia; & circumstantiarum, quarum in praxi diligens habenda*  
*est ratio, varietas, Medicinæ addictis constitueretur ob oculos.*  
*Quo respicit Hippocrates. noster aphor. 1. scil. 1. Vita, inquit,* Methodici  
taxantur.  
Fuch. Instit.  
med. l. 1. c. 14.  
c. 8.  
*brevi, ars longa, judicium difficile.* Valdè itaque hallucinan-  
tur *Methodicæ* sectæ defensores, qui tam difficilem artem in-  
tra sex mensium spatium totam promptissimè perdisci posse as-  
serunt, & à solis pathematis remedii indicationem petunt; af-  
firmantes, laborantem locum ad curationis indicationem nihil  
prodesse, neque etiam ætatem, neque tempus, neque regio-  
nem, neque virium ægrotantis inspectionem, vel naturæ, vel  
ipsius habitus, neque consuetudinem, neque dissectionem.  
Sed de his hoc judicium fere *Laurentius Fris* in dem *Spiegel*  
*der Arzney/ solche/ inquit, Methodici wissen nicht/ was tale*  
*oder.*

oder warm ist. 2c. Ad hos proximè accedunt illi, qui promittunt, intra anni ferè spatium se alios ad summum Medicinæ gradum diligenti informatione esse perducturos; Sed verendum est, ne Medici illi promittant Medicos, prætereaq; nihil. Hinc conquireritur eruditio vera, negligor à multis, curant mea semina pauci; nunc emitur magno, nil nisi scire nihil! Aber / was hilft die Son/Tag/Kerz und Brill/dem der kurzumb nit schẽ will.

## CAP. VI.

### *De Serpente baculo Æsculapij circumvoluto.*

Serpens  
Æsculapii.  
Voss de orig.  
& progr. Idol.  
1. 1. 4. c. 52. 53.

Serpentis nomen generale est, multas serpentum species sub se comprehendens, ut *Draconem, viperam, aspidem, natricem, hamorrhoum, amphiphanam, Cerasen, Basiliscum, Cacicilam, &c.* His autem omnibus exclusis hujus loci intelligimus vulgare genus serpentis; id nempe *animal reptile, astutissimum, venenosum & homini infestum*, singulis annis exuvias suas bis exuens, vere scil. & autumno, hyeme sub terra & præcipuè sub radicibus arborum (Betulæ & Coryli) sopitum quiescens. Genera & icones serpentium, cernere licet in appendicè elegantissimi simul & doctissimi istius discursus Medico Philosophici, habitis à D. Melchiorre Schizio, Præceptore nostro Venerando, super casum adolescentis Argentoratensis mirabilem Ann. 1617. 8. April. qui à serpente est strangulatus.

Cur Æsculapio  
serpens  
tribuatur?  
Opinio I.

§. 2. Quare autem serpens assignetur Æsculapio, variè explicatur ab Authoribus. Hyginus in *Astronomico* de baculo & angue, ita in *Ophingo* scribit: Cum Æsculapius *Glaucum* cogeretur sanare, inclusus quodam loco secreto, baculum tenens manu, cum quid ageret, cogitaret, dicitur anguis ad baculum ejus arreppsisse: quem Æsculapius mente commotus interfecit, bacillo fugientem sapius feriens. Postea fertur alter anguis eodem venisse, ore ferens herbam, & in caput ejus imposuisse: quo facto, loco fugisse: quare Æsculapium usum esse herbâ eâdem, *Glaucumq;* revixisse; itaq; anguis in tutela Æsculapij esse dicitur. Alij existimant idè fieri, quia Æsculapius sub forma serpentis pluribus in locis colebatur, & sub eâdem formâ Romæ apparuit.

Alij

II.

*Alij* volunt, quia Sol, è quo ipse nascitur, quasi senectutem dep-  
ponens, incipit à principio Arietis vires resumere, donec ad  
Cancrum perveniat, atque cum illo multa & herbarum & ani-  
malium genera vires resumunt. Hoc *alij*, tanquam salutis  
signum, *hieroglyphicis* exponentes, per anguem ipsum homi-  
nem ostendunt juventuti redditum, si vel de morbo aut alià  
aliquà lue aut calamitate, squallorem atque maciem ope me-  
dicà deposuerit, sitque validior redditus: Non aliter ac ser-  
pens vere & autumnio, postquam deposuit senectam. Hoc  
enim peculiare habent serpentes, cum locustis tamen & can-  
cris marinis commune, præ cæteris animantibus, quod quo-  
tannis cutem vel cuticulam exteriorem, quæ etiam dicitur *spo-*  
*lium*, (græcè *λεπίδα* inde *parcemia*) *senium*, *exuvia*, depo-  
nant. Modum exuendi describit *Tertullianus* lib. de *Pallio*, hoc  
modo: *Serpens quod fortitus est, convertit corium & avum, si-*  
*quidem ut senium persentit, in angusta se stipat, pariterq; spe-*  
*cum ingrediens, & cute egrediens, ab ipso statim limine erasus,*  
*exuvii ibidem relicti novum se explicat.* Sic & *Plinius*: *Anguis*,  
inquit, *hyberno sive membranâ corporis obductâ, fœniculi succo*  
*impedimentum illud exuit, nitidusq; vernat.* *Exuit autem à ca-*  
*pite primum, nec celerius quàm uno die ac nocte replicans, ut*  
*extra fiat membrana, quod fuerat intus.* Quoniam autem *Æscu-*  
*lapius* præfuit divinationibus, *alij* idèd factum putant, ut ge-  
rat serpentem, nam & ex ipsis auspicia captabantur: *Mala*, si  
serpens extis solennibus depastus, ut patet exemplo *Gracchi*,  
de cuius sacrificiis serpentes jecur edere, ipse autem à *Flavio* in-  
ermis occisus est. *Bona*, ubi serpens visus tantum inter sacri-  
ficandum, sed rursus intactus extis est elapsus, & hoc modo  
*Sylla* felicem victoriam indicavit serpens. *Alij*, quia plurima  
petuntur medicamenta à serpentibus, inter quæ tamen multa  
occurrunt fabulosa. Utimur autem I. serpentibus vel integris  
combustis, vel siccatis & pulverisatis, quale est *Bezoardicum*  
*animale simplex*, è quo fit *compositum*, quo remedio utitur  
*Vnzerus* ad Araneas vivas & *Æ.* non verò ad pestem curandam:  
Et horum usus esse potest *internus*. Usus *Externus*: *Pinguedo*  
emollit strumas, oculorum rubedini & maculis medetur, vi-  
sum acuit, podagricos dolores mitigat. *Exuvia* usus princi-  
palis

III.

Com. Natal.  
Mythol. l. 4.  
c. 11.

IV.

Pier. hierogl.  
l. 13.  
Macrob. Sa-  
turn. l. 1. c. 20.  
Plin. l. 29. c. 4.

Exuvia ser-  
pentis.

Natur. hist.  
l. 8. c. 27.  
Aristot. hist.  
anim. l. 8. c. 17

V.

Liv. l. 5. dec. 3.  
Val. Max. l. 1.  
c. 6.

Cic. l. 1. de  
Divinat.

VI.

Schrœd. in  
pharmac. l. 5.  
class. l. c. 33.  
de peste p. 195  
Plin. l. 29. c. 69

palis est ad partum difficiliorem promovendum, idque arcanâ virtute præstat, fœmori alligata, quidam volunt lumbis aut ventri. Plura petantur è *Plinio*, *Schrædero* & aliorum *Pharmacopæis*.

**Quæstiones  
de exuvia.**

§. 3. Cùm hîc sæpiùs mentio facta *exuvia serpentis*, placet hic brevissimis apponere quæstiones de eâdem motas à *Viro Nobiliss. & Excellentiss. D. Ioh. Alberto Sebizio, Patrono, Promotore, ac Præceptore meo nullo non honoris titulo venerando, ac Disputationis hujus Præside dexterrimo*, tùm apud sectiorem solennem, habitam Anno 1669. circa finem Februar. in discursu elegantissimo de *cuticulâ humanâ*, tùm, in lectionibus publicis de *simplicibus medicamentis*. Prima erit:

***Cur senectam exuere dicantur, si quando eam deponunt?***

Resp. Appellari cuticulam serpentum senectam per aliam quam *αράχνη*. Quemadmodum enim senectus frigida est, sicca atque rugosa: pari ratione senecta sese habet serpentum, quæ progressu temporis siccior reddita, rugas contrahit, & indurefcit.

***II. Cur tantum serpentes abjiciant cuticulam?***

Resp. Fieri hoc propter frigiditatem & siccitatem ejus. Nam cùm serpentes sint animalia frigida: semperque siccior hæc evadat senecta, decuit omninò illam abjici, ne durior, densior, crassiorque evaderet, atque sic tùm cutis subjectæ sensum habetaret, tùm motum eorum, quem per spiras agunt flexus, progressu temporis impediret.

***III. Cur eam quotannis bis deponant, Vere scil. & Autumno?***

Resp. Binis vicibus in anno deponere senectam serpentes, quodd duplex causa concurrat & accedat ad indurandam, & siccandam cuticulam, frigus scil, hyemis & siccitas æstatis: ideoque



ideoque Vere & Autumno eam exuunt: Vere quidem propter frigus hyemis, quod præcessit, & induravit, tùm etiam propter necessarium motum ac flexum, quem totà æstate debent obire. Autumno autem tùm propter siccitatem squaloremque æstatis, qui præcessit & induravit, tùm propter circumplicationem, in quâ tota hyeme consistunt, quæ requirit totius corporis flexibilitatem, ut se latibulis sepiant, & contingant sese, conjunganturque mutuo partes.

#### *IV. Cur id operis unius diei spatio perficiant?*

Resp. Unicâ die ac nocte exuere cuticulam, quia naturæ instinctu properant, ne cùm in deponenda senecta sint occupati, aut alimenti defectu laborent, aut in eare irretiti, noxia vitare non valeant.

#### *V. Cur à capite incipiant?*

Resp. 1. Tùm quia capiti tenacissimè adheret. 2. Tùm ob figuram capitis, quæ difficiliorem reddit detractionem. Tùm 3. quia hâc ratione citiùs sese expediunt. Nam exuto capite, reliqua cuticula faciliè & citò sequitur. Quod si contrâ fieret, h. e. à cauda ordirentur, accideret omnino, ut universa cuticula ad caput & oculos circumplicaretur, & suffulta colligeretur, neque faciliè ab ea extricaretur, idque cum effatu digna visionis noxa. Hùc accedit, quoniam cùm moventur antrosum, & vicinis niti debeant corporibus, opus est, ut hoc in negotio adjuventur, sic enim res non succederet, si à cauda inciperent: itaque sese juvare non possent, cùm retrorsum naturaliter non moveantur.

§. 4. Præter affata hætenus de *Serpente Æsculapij*, tria adhuc occurrunt, Medico à serpentibus mutuanda. I. *Prudentia*, de qua Salvator noster ipse testatur, cùm præcipit, quod simplices debeamus esse, ut columba, prudentes autem ut serpentes. Insidiis enim petiti serpentes, & verberibus excepti, totum quidem corpus verberanti obijciunt, ac caput solum modò

Prudentia  
serpentum.  
D Melch Se-  
biz. in Explic.  
Emblem.  
Spec. Medic.

**Amor**

occultant, quoniam eo illæso, inflictae plagas facile sanant.  
II. *Amor* in ova sua, de quo Naturæ speculatores tradunt, adeo flagrantem illum esse, ut etiam in ignem coniecta matrem ad se pelliceant, si odorem eorum perceperint. III. *Providentia* eorum, quæ exinde elucet, quoddam imminensem pestem, terræ motum, aëris salubritatem, frugumque & fructuum uberatatem præsentire dicuntur.

Medicus sit  
prudens.  
Gal. 8. meth.  
c. 9.

§. 5. Itaque Medicus serpentem imitari debet *Prudentiâ*, ut nimirum consulat & agat ea, quæ ad recuperandam ægri sanitatem sunt utilia & necessaria. Hoc autem præstat, si nihil cæco quodam impetu, ausu temerario præscribat, sed cautè, providè & circumspèctè procedat: & ad ægrum vocatus, primò omnium speciem morbi, morbi causam, partemque affectam diligenter exploret: deinde indicationes inde, quæ methodicæ & dogmaticæ methodi medendi fundamenta sunt, hauriat: tum quid agendum, & quibus remediis utendum sit, dispiciat: tandem de legitimo illorum usu deliberet: & quando, quantum, quomodo, ac ubi agendum sit, consideret: habitâ accuratâ circumstantiarum, vitium scilicet ætatis, sexus, regionis, annî temporis, consuetudinis, præcedentis victus, & similibus aliarum ratione.

Gal. de loc.  
aff. c. 12. §.  
Id. 1. 10. meth.  
c. 6.  
Id. 1. regim.  
acut. com. 3.  
Cicer. c. 2. de  
orat.  
Hipp. sect. 1.  
aph. 2.  
Id. lib. de loc.  
aër. & aq.  
Anton. Sicc.  
de opt. Med.  
p. 16.  
Amet ægros.

§. 6. Sed & *amare* suos debet *agrotantes*, non secus ac serpentes suos sætus & ova: eorumque sanitatem pro fine & scopo omnium suarum actionum præfixam habere. Sic enim illi libentiùs ac promptiùs morem gerent, & ut *Hippocrates* in *frontispicio prognosticorum* loquitur - confidentiùs se illi committent.

Sit providus.  
Gal. de dieb.  
crit. c. 11. & 1.  
prælag. com. 1.

§. 7. *Providentiam* quod attinet, docet *Hippocrates* l. 6. optimum sibi videri, ut medicus eam sibi habeat commendatam. Nam artis præfagiendi peritus, multo ante tempore se parabit, quo impendentibus malis corpori maturè obviam eat, adeoque vitia imminencia arcebit: quorundam verò magnitudinem inhibebit: in summa, pericula, perinde, ut peritus navium gubernator, futurâ tempestate avertet: aut ut *Hippocratis* verbis l. 6. utamur, ut *mentis acie prænoscat, τὰτ' ἔορτα, τὰτ' ἔσομα, & πρὸτ' ἔορτα, i. e. præsentia, præterita, & futura*. Remediorum præterea auctoritatem conservabit: eò quod iis solum

Hip. epidem.  
l. 1. Homer.  
l. 1. Iliad.  
Virgil. l. 4.  
Georg.

lum in agris usurpaturus ea sit, quibus illa profutura praevidet: Missa contra facturus in illis, quos morituros praeoscit, ne ipsa infamet: memor consilij Galeni, dicentis, in quibus desperata omnino salus est, imprudentu est Medici, apud plebeios & idiotas infamare praesidia, quae multu, qui sanari potuerunt, saluti fuerunt. Denique, vulgi calumnias & morbis crimen, quod illi ab imperitis, & rerum medicarum prorsus ignaris, imputari potest, facile evitabit.

I. II. meth.  
c. 9.

## CAPUT VII. De Pomo Pini.

### §. I.

**E**st pomum Pini, juxta Sperlingium, nux magna, ponderosa, compacta, oblongis intus nucleis duro & crasso putamine obductis, dulcibus ac temperatis. Theophrastus scribit, esse pilulam figurâ oblongam, multu incisuris asperam; qualis & reperitur in larices abiete &c. Tabernemontanus ait: Des Fichtenbaums seine Zapffen oder Zirbelen seyn groß / auß vielen dicken harren und holzschren Schuppen zusammen gepackt / unter welchen die harte holzschre Nussen stecken / in welchen inwendig ein süßer / weißer / länglichter Kern ligt / mit einem dünnen häutlin überzogen. Videatur etiam Rondeletius.

Quidditas  
Carpolog. c. 8

§. 2. Nuclei Pini dicuntur, Græcè ἑπίχλωος, κῆρος ἀκόν-  
χαλοι. Latinè Nuces Pinæ veteribus conaria. Germanè Zir-  
ber, nuß. Malè à Sperlingio l. c. Dantz. zapffen. Licet enim &  
abies producat conos quoad externam figuram Pineis Conis si-  
miles, nucleï tamen in ipsis non reperiuntur, imò & ipsæ ar-  
bores toto cælo differunt.

Nuclei Pinci.

§. 3. Arbor pomum hoc producens dicitur Pinus, tota  
resinosa perpetuâque fronde virens. Estque duplex sylvestris  
simpliciter pinus dicta, exiguos saltem fructus vel nucleos fe-  
rens: & Pinus Italica, quæ hos profert fructus, de quibus no-  
bis sermo. Aliàs dicta Pinus domestica, sativa, vulgarissima.  
Arabice Sonabar. Germanice Fichtenbaum / Foren- oder Harz-  
baum. Eucharis Rößlin in seinem Kräuter buch f. 77.

Pinus.

Trag. l. 3 c. 76

ſchreibet; Der Blech-tannenbaum/ an welchem die edle lange ſüſſe Zirbelnußſtein wachſen / auß welchem der Zucker-Peinſ gemacht wird/ iſt der rechte pinus. Sed fallitur author; *saccharum* namque *penidum* fit ex alio ſaccharo per clarificationem cum albumine ovi. Hinc colatur ac inſpillatur lentè, donec bullæ magnæ apparuerint. Hinc retrahitur ab  $\nabla$ , ut bullæ reſideant, effunditurque in tabulam oleo Amygd. illitam, atque ubi nonnihil induruerit, de unco ſuſpēditur, manibus celeribus (amylo conſperſis) diſtrahitur in formam debitam, & reponitur.

Wecker. ant.  
tid. Spec. l. 2.  
c. 43.  
Schroed phar  
mac. l. 4. claf. 2

Locus natalis  
Herbar. part.  
1. c. 42. edit.  
per Viſſen-  
bach.  
Trag. l. 3. c. 76

§. 4. Nec ubique provenit *conifera* hæc *arbor*, ſed in *Alpibus* maximè verſus *Italiam*, hinc *Lonicerus* ſcribit, Es wächſet der rechte Fichrenbaum in den Alpen des obern Teurſchlandes/ umb das ort/ Wallis genant/ gegen Weſſchland / und ſonderlich umb die Statt Ravenna der zähmen ein groſſe Zahl/ und machen vnſern von dem Ufer des Adriatiſchen Meers ein ganzen Wald.

Succinum an  
ex arbore Pi-  
ni profluat?

§. 5. Tradit *Plinius*, ſuccum iſtum terræ bituminofum,  $\epsilon\lambda\epsilon\kappa\tau\omicron\nu$  Græcis, *Ambra* Perſis, Gallis & Italis, *Succat* Aegyptiis, *Carabe* Arabibus, *Succinum* Latinis, item *Gleſſum* Paracelfo & *Reſina terre*, *Agſtein* / *Bernſtein* / *Gentar* / *Gleß* und *Gleſſum* / Germanis dictum, *profluere ex arbore Pini & Vni medulla*, ut Gummi in ceſaſis, erupti autem humoris abundan-

Plin. l. 37. c. 3.

tiam denſari rigore vel tepore autumnali, cum intumeſcens ætus rapuit ex inſulis, certè in littora expelli, ita volubile, ut pendere videatur atque conſidere in vado. Cui conſentit *Solinus Polyhiſtor*, & *Tacitus de mor. Germ. c. 45. v. 67.* Veriorem tamen iudicavit, *Nobilisſ. Dn. D. Praſes in leſſion. de ſimplicib.* eorum ſententiam, qui dicunt, pinguem eſſe terræ ſuccum, ſeu öleum bituminofum effluens è mari, quod poſtea indureſcit vel à ſubterraneo calore pinguedinem hanc in ſpiritus reſolvente in littore maris Baltici ſtantibus ventis aquilonibus.

Salmaſ. in ex-  
er. Plin. p. 234  
& ſeqq.

§. 6. Fructus arboris, de quo nobis ſermo, *Pomum* dicitur, quod vocabulum hodie, iudice *Salmaſio* idiotiſmo noſtro de ſola ſpecie uſurpatur, *ein Apſel* / quem fructum antiqui Latini dicebant *malum*, ad contradinctionem pyrorum, & *pomum πᾶρας ἰπῶρας*, illa itaque eſt ſtrieta, hæc latior acceptio, quam

Exerc. Plin.  
p. 598.

quam etiam agnoscit *Scaliger*, licet inconvenientissimè ab aguto & subtili rideatur *Sperlingio* : Nuces itaque poma sunt mala non sunt. Unde *Macrobius* sunt, inquit, de agricultura scriptores, qui nuces & mala sic dividunt, ut nuces dicant omne pomum, quod foris duro regatur, & intus habeat, quod esui est (ut nostrum pomum pini) Malum verò quod foris habeat, quod esui est, & durum intus includat.

*Carpol. l. i. c. 22.*

§. 7. Vires & qualitates quod spectat nucleorum, temperati sunt & humidi; maturant, leniunt, humectant, agglutinant, resolvunt, modicè abstergunt, impinguant, unde ad asperitatem faucium conducunt, pituitosum humorem bronchiis pulmonum impactum ad educationem aptum reddunt: quare tussientibus, phthificis, strangurià laborantibus admodum proficui: segnem excitant venerem, ulcera renum muddificant &c. In hunc finem parantur ex eis emulsiones. Aptantur quoque confectioni Tabulatorum & morsellorum cum pistaceis & nucl. amygd. delibratis.

§. 8. Quantum ex dictis colligere licet, ut propius ad institutum accedamus, pomum pini substantiam habet geminam: Extremam, quæ dura, aspera, & ex multis quasi squamis conflata; & internam ipsum videlicet nucleum pineum, qui suavissimus est, esuique valdè aptus: cujus nomine etiam inter delicias secundarum mensarum recensetur, & ut palato sapiat magis, facilius obducitur.

§. 9. Itaque ex parte agri significat, multas illi quandoque in curationis actu molestias devorandas esse: iis autem deglutitis, sanitatis, quam *Plutarchus* maximè divinum longèq; suavissimum vitæ condimentum vocat, participem fieri. Ex parte verò Medici indicet, duros quidem illi plurimosque labores in facienda Medicina exantlandos esse, priusquam dulcissimo eorum fructu, honoribus scil. & præmiis perfrui queat. Habere igitur oportet illum, qui non vulgarem sed solidam accuratamque literarum scientiam sibi comparare studet, tribus istis in proverbio trito contentis dotibus, esse instructum; *Ferreo nimirum capite*, h. e. validis firmisque viribus præditum, ut iuges ac indefinenter ferè meditationes & scriptiones citrà jacturam sanitatis tolerare queat: quibus enim caput debile est atque

*Tria studio-  
rum requi-  
sita.*

atque infirmum, studiis assidue, & prout interdum necessitas flagitat, diurno scil. & nocturno tempore, invigilare non possunt. Caput enim, & cumprimis in eo contentum cerebrum, ejusmodi studiorum laboribus debilitatur, ut Musarum chartis jugiter addicti catarrhis, qui plurimum affectuum fontes sunt uberrimi, pallore faciei, cephalalgia, vertigine, obscuritate visus, hebetudine auditus, totiusque corporis infirmitate laborent. *Aurea quoque crumenâ* desideratur, quoniam uno in loco neque videri, neque cognosci omnia possunt, necesse hinc est, ut peregrinationes suscipiantur, & exteris in Academiis studia continentur, quæ certè sine auro atque argento peragi nequeunt; *haud* namque, inquit Poëta, *facile emergunt, & felicem studiorum finem assequuntur, quorum virtutibus obstat res angusta domi.* Denique *plumbeas*, honos sit animis & auribus, *nates* habeat, nimirum ut sedendo, legendo, meditando, scribendoque, doctorum Virorum monumenta sedulo, attentè & constanter, diurnâ nocturnâque manu volvantur, nec rebus vanis & inutilibus indulgeatur. *Non enim*, monet vetus distichon:

— *jacet in molli veneranda scientia lecto,  
illa sed assiduo parva labore venit.*

## CAP. VIII. De Noctua Æsculapij.

§. 1.

Onomatologia.  
Pier.hierogl.  
L 20. f. 146.

**G**RACI avis hæc dicitur γλαύξ, à clauco vel cæsis oculorum colore, quo qui præditi sunt, præstantioris acutiorisque ingenii esse feruntur, vel propter lucubrandi contemplandique munus, quodd animi vis nocturni potissimum temporis silentio vegetatur. *Latini* vocatur *Noctua*, quia noctu potissimum volat.

Cur noctu  
voliret?  
Metam. l. 2.  
f. 9.

§. 2. Cur noctu ferè solum volitet, indicat *Ovidius*, quod nempè *Nyctei Regis Lesbi* filia, quæ patris amore capta, incesti pœnas dederit, inque noctuam mutata sit; hinc

— *avis illa quidem; sed conscia culpa  
Conspectum, lucemq; fugit, tenebrisq; pudorem  
Celat, & à cunctis expellitur vthere toto.*

Sed

Sed hæc fabulosa; subest *ratio physica*, hæc scil. quia lumen solare visum disgregat, quod tenebræ congregant. Nec tamen vel æque videt de nocte, vel pariter cæcutit de die. Minutum est quod videt meridie; quia pauci, quos habet, spiritus discutiuntur, ac dissipantur: nihil est quod videt nocte intempestivâ, ac illumi, quia aëre non illuminato nihil cernitur, hinc & accessu hominis non movetur. Sed benè videt diluculo & crepusculo, quia tum lux est moderata.

§. 3. *Noctue* infensæ sunt aves, præsertim minutarum civium omne genus, eamque circumvolant & vellunt cum Pipatu: Magnam autem Deus *solertiam* indidit huic avi contra conantes ipsam deplumare, ut majore circumdatâ multitudine, resupina pedibus repugnet, collectaque in arcum rostro & un-

Voss. Theol. gentil. l. 3, c. 81

Noctux solertia.

Plin. l. 10, c. 17

§. 4. Omina quoque Ethnici captabant ex avis hujus volatu & cantu. Nocturnus tamen cantus, aut occurfus homini ad seriam actionem accedenti, inauspicatus habebatur. Cui rei testimonio fuit *Pyrrhus Epirotarum Rex*, in cuius hasta, cum *Argos* proficisceretur, quam erectam ferebat, noctua confedit: Nam *Argos* ingressus, valdè ingloriâ atque ignobili morte occubuit, saxo scil. aut, ut *Plutarch. Pausan. Strabo & Ovidius in ibid.* tradunt, *καρμίδα* h. e. tegulâ, vel, ut *Probus* vult, lapide de muris ictus. Nostri Germani adhuc hodie ominosam credunt noctuam; unde ægrotis, quibus noctu candela servatur, plerunque avis huic cognata ad fenestras advolat, & cantu suo *Irre!* terrorem incutit, quasi ægri sint morituri, & nominant *das Weckvögelin*. Quo spectat illud *Archiremij Poëtæ*,

Noctux volatus omen malum. Pier. hierogl. l. 20. f. 147.

*prænuntia fati*

*Noctua præcedit properanti morte propinquos.*

Sed hæc aniles sapiunt fabulas.

§. 5. Non semper autem malo omine fuit, nam, ut *Hesychus* memorat, ante pugnam prætervolans omen est victoriæ: & quemadmodum *Aristophanis* Scholiastes refert, *Atheniensibus* olim, cum bellum cum barbaris gererent, per exercitum eorum volans, victoriam præfagebat. Hinc proverbium apud ipsos natum, *γλαυὲ ἵπταται* vel *ἵπτατο*, *Noctua volat, sive volavit*; cum profligatos hostes & subsequutam victoriâ innuerent.

Bonum omē. Plutarch. in simil. ref.

Erasm. adag. 76. cent. 1. Pier. l. c.

G

§. 6. Do-

Medicus  
vigilans.

§. 6. Docet ergo ejus imago, Medicum debere esse vigilantem, & noctu etiam studiis incumbere, ut de affectibus, quos interdum apud laborantes habuit curandos, possit cogitare diligentius, & ex practicorum monumentis cognoscere, quo pacto illis sit medendum. Spem quoque facit, fore, ut Medicus felicem suæ praxeos habiturus sit successum, ac de morbis victoriam reportaturus, si illis requisitis fuerit instructus, quæ per res *Æsculapio* attributas fuerint designata.]

## CAPUT IX. *De Cane Æsculapij.*

§. 1.

**Q**uemadmodum bruta rationis expertia umbram habent, ac vestigium rationis: ita & iis insunt multæ virtutum imagines ac simulacra: ut *Tullius* 2. *de finib.* jure statuat, *bestias esse specula natura.* Quæ enim homines agunt beneficio rationis, ea bestia instinctu faciunt naturæ, ut multos etiam superent homines. Aliis bestiis omnibus omissis, *Canes* exemplo sint, de quorum virtutum simulachris, aliqua saltem (nostro scopo interservientia) in medium proferemus.

Canes noscunt  
dominos.

Elin. l. 8. c. 40.

Ovid. l. 3. Me-  
tam. f. 2.

§. 2. Inter alia *dominum suum apprimè noscunt*, ita ut, si inter multos dimicantem cernant, illæso Domino, cæteros latrando mordendoque penitus persequantur, ita ut lædi non possint domini, nisi cane interempto. Hinc *Alæon à Diana* in cervum mutatus, à canibus persequentibus eum, cum cognosci non poterat, clamabat; *Alæon ego sum, dominum cognoscite vestrum.*

Amant & si-  
desunt.

Aemil. Stock.  
in Chronic.  
Holland.  
rhythmico.

§. 3. Non est tamen, cur miremur hoc, quoniam à naturâ singulari instructi sunt *amore* in dominos suos, qui radix & fundamentum est summæ, quæ reperitur in canibus, *fidelitatis*, post mortem domini etiam adhuc vigentis. *Florentio* quippe *V. Hollandia Comite à Gerardo Velfio*, & conjuratorum aliis, interempto, canes duo venatici cadaver custodiére: etiam cum navi imponeretur, *Alcmariam deferendum*, primi in eam insilerunt:



erunt: adhuc, ubi templo illatum, adfederunt perpetuū, nec avelli inde potuere, priusquam humo conditum foret. *Hieronius* quoque atque *Lysimachus* canes, accensis dominorum rogis, in flammam se iniecerunt, & uno arserunt incendio. Evolvantur *Plin.* l. 8. c. 40. *Solinus* c. 75. *Ælianus de animal.* l. 7. c. 28. & 40. *Pierius Hieroglyph.* l. 5. p. 39. & seqq. & *Dionis scripta de natur. can.*

§. 4. Hinc ab omni ævo his videtur commissæ fuisse Templorum, domorum, corporisque custodia: quia præter dicta etiam sunt vigilantes, & auditu pollebent, ita ut facilius ab exiguo quoque strepitu excitentur. Unde in *Ætna Vulcani templum & lucum canes asservant*, qui adveniens castè & religiose blandiendo associantes comitabantur: in scelestos verò & contaminatos, si vel templum vel lucum ingredi vellent, iruebant, & mordicus eos appetentes lacerabant, cæteris allatrabant. *Lares*, qui apud veteres pingebantur habitu peregrinantium seu succincti, unâ cum cane depingebantur. Hinc *Tobia* filio peregrinanti assignatur comes canis. Perpetui etiam comites erant *Proserpina*, quæ sine his nunquam evocabatur, hinc illud, *Thestylis, canes nobis per urbem latrant, Dea adest in triviu.* *Massaniſſa*, parum hominibus credens, canibus salutem suam obvallavit; Solemnis enim mos Heroum erat, ut canes gressum comitarentur, ac conciones ingrederentur, ut exempla probant (a) *Telemachi*, (b) *Dulichij*, (c) *Xanſippi*, &c.

§. 5. Odore quoque superant animantia cætera, quare *Seneca* eos vocat *nare sagaci*; hinc illud

*Dirige odoriferos ad cæca cubicula canes.*

Inest ergo iis, præter miram venandi alacritatem, miranda in pervestigandis feris narium (a) sagacitas: unde *Philostratus*, l. 1. Iconum, vocat canes *συνπληροὺς* speculatores; quasi illi uni speculentur naribus, cum cætera animantia oculis. Nares igitur ipsis ferè sunt pro sensibus reliquis; *Sagacitas* enim inquit *Seneca* Epist. 76. *prima est in cane, si investigari debet feræ, cursum si consequi, audacia si mordere & invadere*: hoc sensu destituti *ἄπνευς* & *ἄσντοι* dicuntur.

§. 6. Id verò notandum venit, quod *Aristoteles* tradit *Zephyro vento perflante, canes minus comperire ferarum vestigia*,

*Custodes sunt ædium.*  
*Pier.* l. 5. hier.  
*Gyrald.* de  
Diis Gent.  
*Syntag.* 13.  
*Cæl. Rhodig.*  
l. 23. c. 29.  
*Ludov.* de  
la Cerda.

*Tob.* c. 6. v. 11.  
c. 11. v. 9.  
*Theocrit.* in  
pharmaceut.  
*Valer. Max.*  
l. 9. c. 14.  
(a) *Homer.*  
odys. l. 2.  
(b) *Martial.*  
l. 11.  
(c) *Plutarch.*  
in vit. Them.

(a) *Cic.* l. 2. de  
natur.  
*Iust Lips.* Ep.  
10. ad contra-  
bern. & cæt. r.  
ad Belg. Ep.  
44. *Camerar.*  
cent. 1. c. 24.

Quando pol-  
leat odoratu?  
*Problem.* fest  
26. qu. 24.

propter fragrantiam odorum, quam ille excitat, unde fit, ut odo-  
res confundantur, vehementi quoque vento facilius diffentur :  
quibus etiam calculum suum addit *Theophrastus*. Contrariam  
prorsus fovet sententiam *Div. Chrysost. orat. 20.* scribens, *canem*  
*benè institutum non impediri ab investigandis feris, etiamsi πολ-*  
*λὰ ὀσμεὰ ἀπὸ τῶν καρπῶν καὶ ἀνδρῶν ὀσμεὰ παραγοχῶσι*, id est,  
*multi odores ex fructibus & floribus misceantur*. Causam for-  
tassis ponit in hoc, quoniam etiam odor is imprimitur vesti-  
giis, per poros tanquam occultos meatus cutis : in qua sen-  
tentia etiam est *Voss. l. 2. c. 63. Theol. gentil. & l. 3. c. 30.*

Honos habi-  
tus canibus.

(a) *Aelian.*  
var. hist. l. 8.

c. 4.

(b) *Alex. ab*  
*Alex. l. 3. c. 2.*

(c) *Euseb. l. 1.*  
*præp. Evang.*

c. 3.

(d) *Pier. hie-*  
*rogl. l. 18.*

*Ciccr. l. 1.*

*Tusc. quæst.*  
*Homcr. 22.*

*Iliad.*

Medicus co-  
gnoscat Na-  
turas.

*Gala. de san.*  
*c. 11.*

*Gal. 3. Meth.*  
*c. 7.*

*Amet & fide.*  
*lis sit ægris.*

§. 7. Ob recensitas naturæ dotes eximias, (a) *Græci* tanto  
in honore canes habuere, ut mortuos parentis affectu luxer-  
int. Apud *Hyrcanos*, (b) & *Caspios* (c) canes pro sepulchro  
fuerunt, unde (d) *sepulchrales* dicti. Hos affluenti cibo nu-  
triebant, & suos quisque canes parabant in vitâ, à quibus  
mortuus dilaceraretur, atque hoc eximium & solenne putaba-  
tur funus: Atque id Regibus maximè in usu fuisse, monstrat

*Regia cum lucem posuerunt membra, probatum est*  
*Hyrcanis adhibere canes &c.*

Justissimè tamen morem hunc tanquam summè abominandum  
rejecit *Priamus*, qui, proponens sibi omnia atrocia, *omnium*, in-  
quit, *esse duxisor miserrimum, si mortuus deturpetur à mortuis.*

§. 8. Per virtutes hæc monetur Medicus, ut, ad cura-  
tionem accedens, & agrum ejusq; naturam appriviè noscat: sic-  
ut enim fieri nequit, ut unum & eundem calceum sutor cun-  
ctis accomodet, ita nec unam vitæ speciem omnibus utilem  
Medicus præscribere poterit. Quapropter non possumus eos  
non demirari, qui nullo habito naturarum discrimine, de tu-  
enda valetudine præcepta conscripsere. Nam *arbitrari com-  
munem quandam esse omnium curationem, summa est dementia:*  
non enim homo generatim, sed speciatim quisque hominum  
curatur: Quocirca medico opus est, peculiarem cujusque natu-  
ram perferutari, ut propriam curationem cuius adhibeat.  
*Amore* deinde prosequatur suos ægrotantes, qui viam mon-  
strabit ei ad *fidelitatem*, quam illis tum in præsentis sanitatis  
conserva-

conservatione, tùm amissâ recuperatione præstare tenetur, ut pro ægrotante pugnare credatur. Hortatur quoque ad *custodiam virium*, quoniam *Galenus* monet, vires animales, vitales & naturales conservare, nil esse aliud, quàm vitam servare: ad *promptitudinem & alacritatem*, quæ adhibenda in quavis operatione medicinali; ad *indagationem partium* laborantium, specierum affectuum, & morbificarum causarum: ille namq; benè curat, cui hæc nota sunt. Ad quæ non parum conducit sensuum sagacitas. *Auditus* quidem, ut lubentibus benevolisque auribus audiat, tùm ægrotantes conquerentes de parte affecta, symptomatibus aliisque accidentibus, tùm adstantes, de vitæ genere antea actò, de statu verò præsentè, quid medicamenta operentur, & quomodo se gerat æger, præsertim circa sex res non naturales, quò faciliùs descendere possit in fontes causarum, priusquam pedem moveat ad curam, inprimis si antea cum ægro parum aut nunquam sit conversatus. Si *odoratum* consulas, multa sunt hoc iudice à Medico, non sine maximâ utilitate expendenda: quale est universum illud symptomatum genus, quod circa olfactiles qualitates, & totius corporis, & naturalium succorum, & ipsorum excrementorum. In quibus tanta vis est hujus sensus & facultas, ut etiam ex odore deprehendas vitiata ne sit corporis & humorum intemperies, an inculcata, & nullis corruptelæ vitiis conspersa. Quis non faciliè perspicit tetrum illum, & virulentum Elephantiorum odorem, quem toto corpore expirant, maximum nobis corruptelæ argumentum præbere? Quis etiam non animadvertit foetidam axillarum & inguinum exhalationem in calidis & humidis naturis, nobis faciliè demonstrare propensam ad putrilaginem (quam *συνδυσμὸν* vocant) corporis constitutionem? In sudoribus, urina, alvi dejectionibus, pure, sputis, mucò narium, mulierum menstruis, & aliis id genus, hujus sensus indicium manifestius existimamus, quàm ut satis explicari possit. Non dicamus hîc de medicamentis vel alimentis, in quibus sagacissimo certè opus est hoc sensu odoratûs. *Gustu* quoque non minus valere debet, cùm ad illum tùm alimentorum, tùm medicamentorum judicium, ex saporum varietate sit referendum, in quibus potissima ac præcipua artis medicæ materia

Iul. Alex. l. 1. de Medic. p. 35  
Gal. l. 9, method, c. 10.

Trallian. l. 8, cap. 9.  
Hipp. l. de art. Auditus Medico necessarius.

Odoratus.

Gal. l. 1. de cris.  
Hipp. prognost. 22, & 32, l. 2.

Gustus.

Tactus.

versatur. Huc accedit, quod Medicum, artis culinariæ non esse imperitum oporteat, quæ fermè tota ex saporum judicio est æstimanda, familiare ne sit cibis hic futurum alimentum, an à nutriendo alienum. Quà in re multum ipsum juvabunt *Cal. Apitiy libri X. de re culinaria*, ac alii, qui de re culinaria scripsere. *Tactus* autem sit illi exactissimus, quo varias hominum tum sanorum, tum ægrotantium temperaturas explorabit, calidi, frigidi, & aliarum qualitatum, tum varias vires, tum multiplices recessus observabit: Hoc iudice ac censore, alium in juvene, alium in puero calor gradum deprehendet. Si verò pulsuum differentias consideres, occultos arteriarum motus, cum aut in centrum se colligunt, aut in superficiem evehuntur: si pulsuum æqualitatem aut inæqualitatem, non variis tantum pulsationibus, sed in una eademque motus parte: si varios pulsuum rhithmos, duritiem & molliem arteriæ consideres, faciliè judicabis temperatissimum & exactissimum tactum Medicis esse perquam necessarium: alioque planè divinà pulsuum cognitione carebit, quæ & ad morborum cognitionem, & eorundem curationem, ac præfagiendi rationem, est utilissima: sicut clarum fiet legentibus *Galenum de pulsib. & præfagiis*, nec non *Hercul. Saxoniam qui tres libros scripsit de pulsibus*.

## CAP. X. *De Gallo Æsculapij.*

### §. 1.

Cur Æsculapio adpictus?

**P**ULCHERRIMAM visusque dignam avem Gallum, præci *Æsculapio* sacrificabant, teste *Cal. Rhodig. antiq. lect. l. 16. c. 12.* ubi vult idèd immolatos esse gallos, quod *Divina beneficentia, morborum omnium curatrici, diem, h. e. vitalumen se debere veteres testarentur.* Legatur & *Lips. cent. 1. epist. 2. Feslo l. 9.* Præsertim si ex morbo convalescerent, id præstabant: Hinc *Socrates* infirmus, (ut *Plato* tradit in *Phædone*) *Æsculapio*, si convalesceret, gallum vovit. Etiam *gallus* ei dicatus, quia medicamenta ex ipso petuntur, ac ipsi ægri ejus carne jusculisve juven.

juventur; tùm quia Medicus ipsum in pluribus æmulari debet.

§. 2. Est *avis* hæc *vigilantissima*, quare dicitur Ἀλίκτωρ **Vigilantissi-**  
vel ἀλκίπυον, quod nos à lecto excitet. Hinc *Simocatta*, κατ **mus Gallus,**  
ἰξορὴν, gallos & eorum cantum intelligens, dicit, περὶ τὸν ἰω' **lib. 2. hist. c. 18:**  
Σὺν τῶν ὀρνίθων καλᾶδες, i. e. *sub matutinos avium strepitus.* **l. 2. Pastor.**  
Ab Ovidio audit *prænuntius lucis ales*, à *Virgil. in Moreto, Ex-*  
*cubitor,*

*Excubitorq, diem cantu prædixerat ales.*

A cantu matutino tempus dicitur Gallicinium vel crepuscu- **Plin. l. 10. c. 21**  
lum matutinum. Unde de eo *Ambrosius* sic scribit; *Bonus co-* **Pier. hierogl.**  
*habitator, & dormientem excitat, & sollicitum admonet, & vi-* **l. 24.**  
*antem solatur, processum noctis canorâ significatione protestans:* **l. 5. Hexæme.**  
*Hoc canente, latro suas relinquit insidias: Hoc canente, mæsti-*  
*tiâ trepidus nauta deponit.* Atque hinc respiciunt Christiani  
templorum turribus gallos imponentes. Episcopum quippe,  
& cunctos Christiani gregis pastores, vigilare pro ovibus sibi  
commissis decet.

§. 3. *Animosa* insuper avis est, nectimida, sed semper **Animosus.**  
intrepida erectaque incedit, solem cælumque præ reliquis ani- **Plin. l. 10. c. 21**  
mantibus aspiciens. Animositatis indicem habet cristam in  
capite regiam, & dependentem veluti virilem barbam, paleas  
& palearia dictam, caudamque cristatam. Regnum ergo in  
quâcunque sunt domo, exercent, & imperitant suo generi, nec  
facile alienum, cui cristata illa cohors non commissâ, admittunt.  
Unde proverbium: *Gallus in suo sterquilinio plurimum potest;* **Erasm. chil.**  
German. Ein Hahn auff seinem miste ist der Stärckste. Et illud, **cent 4. adag.**  
*duobus gallis in eodem sterquilinio, & duobus fatuis in una do-* **25.**  
*mo non convenit. Zwen Hâne auff einem Mist / und zween Nar-*  
*ren in einem Hauß rügen nicht zusammen.*

§. 4. *Pugnax* hinc etiam est, & pertinax in certamine, **Pugnax.**  
& pugnam fortiter init, acriter urget, ac feliciter finit: magnâ  
animi constantiâ est, præsentis hoste. Excelso quippe animo  
adversarium cantu provocat antequam eum adoritur, postea  
terram ferit, plumas circa collum erigit, pennas caudæ sursum **Erasm. chil.?**  
deorsumque vibrat, hinc insilit, & nunc acuto rostro, nunc cal- **cent 3. adag.**  
caribus iterum atque iterum ferit: Quod si palma contingit, **22.**  
statim in victoria canit, seque ipsi principem testatur. Hæc **Plin. l. 10. c. 21**

EX.

Pier. hierogl.  
I, 244

ex causa in augurali disciplinâ, galli cantus victoriæ signum est, propterea quod victa ales silere soleat, canere si vicisset. Sic Themistocli pridid quàm in Xerxem educeret copias, auditus gallorum cantus, victoriæ mox futuræ prænuntium fecit: cui prælagio eventus quam felicissimus respondit.

Amans.

§. 5. *Amor Galli erga gallinas* suas apparet exinde, quia si granum inveniat vel tritici, vel alterius seminis, singulari voce advocet, illisque communicet; Si periculum imminere sentiat, aliâ voce monet, ut fugâ se salvent. Toto præterea die illas circumducit, habetque omnes obsequentes & maritum amantes.

Quare can-  
tet?

§. 6. Canere autem Gallum certo tempore, atque ita exactè, ut etiam horologiorum vicem supplere possit, vulgi fabula est. Canit enim tum ob causas allatas, tum libidine incitus, ut advocet gallinas: canit à coitu lætus, quia se semine nimio, quo onerabatur, exonerat. Nempè, *inquit Vossius*, non, ut homo, resolvitur coitu, qui iccirco à Venere dolet: sed exhilaratur, quia semen, quo abundat, non est amplius molestum, & recentis eum coitus memoria delectat. Canit quoque circa crepusculum matutinum, gaudens, tum quiete suaviter perceptâ, tum quia sentiat, non sic, ut ante, pectus vel stomachum gravari cibo, (ut qui per totum corpus jam sit digestus) lætitiâ cantu, & alarum plausu testatur. Frequentius itidem canit imminente hiu, horisque insolitis: tum quia hoc animal præsentiscit vapores ascendentes, & quia naturæ est calidæ, refrigerari iis gaudet, tum quia humidus aër instrumenta vocalia replet pituitâ, quam cantu & alarum plausu studet discutere.

Theol. gent.  
I, 3, c. 88.

Voss. l. cit.  
c. 15. & 98.

Vigilans & in-  
trepidus sit  
Medicus.  
Damasce-  
n. aph. 144.

§. 7. Vigilantiam itaque summè sibi commendatam habeat Medicus: Adhæc, forti excelso, infractoque esse debet animo: (timiditas namque impotentiam denatat) cum vel morbus minatur exitium, vel moratur diutius, omniaque remedia etiam summâ cum ratione præscripta, aspernatur, vel epidemiæ grassantur contagiosæ & pestilentes, ita ut noctu atque interdiu, quæcunque etiam vigeat cœli constitutio, magno cum vitæ periculo decumbentes adire necesse habeat: cogaturque non raro tetros sustinere odores; putridos inspirare halitus; iniquas audire

audire adstantium querelas: magnam denique ipsorummet ægrotantium inobedientiam, impatientiam, incontinentiam & Ingratitudinem experiri, tametsi nullis pepercerit laboribus, curas ac molestias nullas sibi duxerit graves, sitque ea executus fidelissimè, quæ ad restitutionem sanitatis spectare videbantur. Pugnandum etiam interdum est Medico, contra balneatores, vetulas, agyras & carnifices, ubi illi, ut sæpè fit, inscio Medico sua probarunt experimenta; ostendendumque ipsis ægris, quando versentur in periculo, tum corporis tum animæ, si neglecto legitimo medicamentorum usu, hisce salutem suam contendant. Convenit etiam, ut ægros suos Christiano prosequatur amore: blandè leniterque eos tractet; & amicè suaviter ac familiariter eos alloquatur.

## CAP. XI.

### *De Dracone Æsculapij.*

#### §. 1.

**U**ltimum inter Æsculapio attributa, met locū Draco, (sub cuius imagine etiam ipse pater *Asclepiades*, colebatur) isque varias ob causas appictus, aliis tradentibus, salubritatis esse signū; aliis, ab Æsculapio draconem educatum esse, in monte *Peleo*, & *Pelethronium* vocatum esse.

Strab. l. 9.

§. 2. Id tamen notandum, quodd multi confundant & pro uno eodemque agnoscant Draconem & Serpentem, cum tamen maximè inter se differant, quoad actiones & naturæ propria, est quippe Draco serpens maximus, validissimus, terribilis, caudæ robore plurimum valens, non venenatus, & proinde differt à Serpente, ut Rex à subditis, unde & Regibus erant sacri, ipsosque denotabant, ut patet ex *Artemidoro* l. 2. cap. 13. scribente, ὁ δράκων ὁ δεινὸν βασιλεὺς σημαίνει, *visu dracone Regem denotabat.* Et hanc differentiam agnoscunt etiam authores, cum signatè ponunt Draconem, non anguem.

Draconis & Serpentis differentia. Voss. Theol. Gent. l. 4 c. 38. Plin. l. 29. c. 4.

§. 3. Maximum serpentem esse liquet ex Philostrato in imagin. tradente, *Ajaci* fuisse mansuetum *Draconem septem cubitorum longitudine*, unà cum *Ajace* & bibentem & versantem,

Magnitudo.

H                      viasque

viasque præeuntem, atque canis instar insequentem. Nolumus hic attingere, quæ fabulosè traduntur de draconis magnitudine, videatur *Plin. l. 8. c. 13*, *Pier. Hierogl. l. 16*.

Nominis ratio.  
Pier. hierogl. l. 15.  
Macrob. l. 1. Satur. c. 20.  
Exercit. 183. f. 12.  
Voss. Theol. gent. l. 4. c. 58.

§. 4. Grammatici nominis rationem investigantes, è quibus est *Festus*, dicunt appellari *Δράκωνα κατὰ μετάδοσιν*, pro *δράκωνα*, ex *δρῶν*, adeoque *ὁ τῷ δρῶντι*, à videndo derivari acutissimà quippe & pervigili oculorum acie præditus fertur àb Authoribus draco. *Scaliger* deducit *ὁ τῷ δρῶντι ἄνθρωπος*, q. e. dolorem facere. *Vossius* *ὁ τῷ δρῶντι ἄνθρωπος*, h. e. facere medicinam, quia innoxii sunt, & *Æsculapio* dicati, cujus filia fuit *Panacea*, ex *πᾶς* & *ἄνθρωπος*, quasi omne medicamentum, dicitur *Theophilus ad Autolyicum l. 2*. ducit hoc nomen *ὁ τῷ δρῶντι* à fugiendo, cum videlicet draco, h. e. diabolus, fugit à DEO in primæva mundi constitutione.

Quia valet visu & auditu, custos habet thesaurorū.

§. 5. Quoniam autem non solum visu pollet acutissimo, sed & vim habet hauriendi sonos eximiam, ita ut eos etiam è longinquo sentiat accuratissimè: insuperque facultate vigilandi & excubandi præditus insigni; Poëtæ hoc nomine illum custodem constituerunt thesaurorum, ac pomorum audeo, rum *Hesperidum*; de quibus *Lucanus l. 9*.

*Atque insopiti quondam tutela Draconis  
Hesperidum pauper spoliatus frondibus hortus,  
Et nunquam somno damnatus lumina serpens.*

Unde illud *Tullij l. 13. Philipp.* Qui domini patrocini sum complexus, quasi thesaurum Draco.

Medicus sit providus.

§. 6. Per oculorum itaque Draconis acumen innuitur inspicendum Medico sæpius esse Naturæ librum, humanum scilicet corpus, ejusque rimandas partes, morborum domicilia: volvenda assidue Medicorum monumenta, multos illos Magistros: intuendo ægrorum excrementa, quantum à sanorum recesserint: colorem faciei, qualis enim latet in corpore, talis apparet in supercilio; valorem oculorum, prout enim illi valent ita & reliquum corpus; molem & habitum corporis, figuram & situm partium, accidentia, quæ visu percipi possunt, in primis in penitioribus corporis partibus, ut palato, auribus, naribus, &c. ad quas hebetior visus penetrare nequit, alia signorum



signorum diagnosticorum fontes: lustranda insuper & examinanda organa pharmaceutica & diætetica, quibus suas exercere functiones Medici consueverunt: ne quid pro quo, mors pro vitâ ægrotis præbeatur.

§. 7. De auditu, ne crambem bis coctam eadem in mensa imponamus, hîc denuð nil licet dicere. Vigilantiam draconis tamen, ut paucis attingatur, quia & de hâc suprà dictum, imitetur alacritate & sollicitudine: ut noctu & interdiu ægrotantibus consilio suo adesse, & inestimabilem illum vitæ thesaurum, SANITATEM, iisdem recuperare, recuperatamque tueri, & custodire possit diutissimè.

Vigilantia  
custodiat  
sanitatem.

## CAPUT XII.

### *Continens Problemata quadam dubia.*

- I. *Plus ne ponderis atq; momenti in Medico, ad benè feliciterq; medendum. Ratio, h. e. doctrina & eruditio, seu artis cognitio, habeat: an rerum usus atq; experientia?*

Nobilis hæc est quæstio, atque ita comparata, ut de eadem in utramque partem valdè prolixè possit disputari; quare etiam *Nobiliss. ac Excellentiss. Dn. D. Præsidi Parentis loco pio obsequio semper devenerando*, non displicuit nuper, 1. Julij Anno 1669. in solenni promotione Medicinæ Candidatorum, eandem movere, ac in Illustri congressu de eadem disserere: Cujus proinde rationes, utpote quæ maximè mereantur, hîc quoque B. L. proponendas pernecessarium duxi.

Pro decisione itaque propositæ quæstionis, respondemus *potiores partes obtinere Experientiam*. Quod tamen non ita dictum volumus, ac si comparisonem inter *Rationalem seu Dogmaticam, & Empiricam* institueremus Medicinam, huicque

palnam tribueremus : aut experiētiā à ratione separare vellemus. Absit enim proculque faciat Empiricorum illa *impia* : Quæ non curat, sed curvat, non sanat, sed sauciat, non medetur, sed mentitur. Qui enim hoc facere possemus, cum Ratio & Experiētia duo Medicinæ crura à *Galeno* dicantur : quorum si unum amputetur, claudicare imò prorsus concidere artem sit necesse. Id quod probè intellexit is, qui mentoriæ prodidit, Rationem sine Experiētia esse mendacem : Experiētiā verò sine Ratione fallacem : ac propterea mendaces esse, qui sine Experiētia docerent : fallaces, qui sine ratione experimenta facerent. Scimus insuper, artem & rationem multas easque egregias, præ experiētia prærogativas habere, quas *Peripateticorum Princeps* *l. 1. major. Metaphys. c. 1.* breviter : sed more solito admodum nervosè atque ingeniosè recenset. Verùm his non obstantibus, verè & rectè concludi posse arbitramur, ex duobus Medicinæ cruribus plus virium ad consequendum finem in medendo habere Experiētiā quam Rationem & Artem. Ne autem temerè ita conclusisse videamur, *Sicm* & autoritate atque testimonio gravissimorum Virorum : & argumentorum momentis stabilire conabimur. Inter artis nostræ Proceres primus sese offert *Hippocrates* : Nam *lib. de flatib.* scribit, usum & experiētiā egregium esse *ἰδωσθαλειον* : tum aliorum artis operum, tum vel imprimis etiam eorum, quæ manuum ministerio peraguntur. Solertissimus Hippocratis interpretes *Galenus comm. 6. Aph. 3. 1.* fatetur, *Hippocratem* multa experiētiā magis quàm ratione cognovisse. & *l. de subfig. Empir. c. 13.* inquit, eum propter usum atque experiētiā in artis operibus *Æsculapij* gloriā apud posteritatem esse consecutum. *Avicenna* tantum tribuit experiētiā, ut asseverare minime erubescat, ubi aliud ratio suadet : aliud experiētia monstrat *dimittendam esse rationem*, & experiētiā præscriptum sequendum. Videantur, quæ suprà attulimus, ex *Iano Damasceno cap. 3. §. 9.* nostræ disputationis. Neque verò Medicorum tantum dictatores ita de usu & experiētia judicant : sed etiam Philosophiæ sectatores acutissimi : & dicendi artis magistri optimi. Ex *Philosophantium choro* placet unum instar omnium *Aristot.* allegare. Hic enim *l. 1. maj. metaph. c. 1.* scribit,

scribit, peritos atque exercitatos magis quam illos, qui sine usu artem duntaxat callent, quod intendunt adipisci. Ex *Orationum* verò cætu solius *Ciceronis* mentionem faciamus. Sic namque ille 1. *Officior*: Nec Medici, nec Imperatores, nec Oratores, quamvis artis præcepta perceperunt, quicquam magnâ iaude dignum, sine usu & exercitatione consequi possunt. Usus quippe sequentem omnium magistrorum præcepta superare. Ad cuius iudicium suam quoque sententiâ *Plinius* adscribit: qui efficacissimum rerum omnium magistrum usum pronunciat.

Sed missis his testimoniis, placitum argumentis confirmemus. Primum erit; quod nobis *Aristot.* citato antea loco sup-  
 peditat: *Experti, inquit, minus à scopo & sine actionis aberrant, quam artifices: experientiâ destituti.* Quid ita? quia experientia est notitia rerum singularium, in quibus actiones per se versantur. Ars verò notitia est rerum universalium, in quibus actiones quasi per accidens occupatæ sunt. Non enim, subdit idem, *hominem; nisi per accidens, sanat: sed Calliam aut Socratem, aut aliud aliquod Individuum, cui accidit hominem esse.* Hinc fit, ut artifex rerum singularium circumstantias ignoret, quia regulæ universales sæpè mutantur: sicq; à scopo sibi prefixo aberrat, quam qui medendo & artium opera tractando usum & experientiam sibi comparavit.

Secundum argumentum est: Quoniam applicatio universalium artis theorematum usque adedò difficilis est, ut *ar-*  
*tefex* inexpectus. In tantâ corporum varietate, & circumstantiarum multitudine, in debitorum remedium inventionem, & inventorum legitima administratione sæpè hæreat. Expertus contrà, & in praxi diu multumque versatus, facilè quæ phar-  
 maca è re sint ægrotantis, perspicit: nullo quin etiam negotio, quâ in quantitate præscribenda, quo modo usurpanda, quo tempore offerenda, & cui loco applicanda sint, intelligit. Causa est, quia *usus ille est magister, qui iudicium acuit, memoriam confirmat, ingenium ad inveniendum promptum, atq; expeditum reddit.*

Tertium Argumentum, quia plurima in Medicina, & imprimis in parte ejus chirurgica, ita comparata sunt, ut necessariò

& *αὐτοψίαν*, & dexteritatem manus requirant. At quodnam quæso principium hanc parit: Ratiō ne & nuda præceptorum artis cognitio? Minimè gentium. *Ex libro enim, Galenus in calce cap. 1. l. 1. de Alim. facult.* inquit, neque in nauclerum, neque in alterius alicujus artu opificem quis evadere potest. Sequitur ergo quotidianam experientiam & praxin eam efficere.

Quartum: quia notorium est, experientiam ratione antiquiorem & tempore priorem esse. Ἡ γὰρ ἔμπειρος ἀεβὰτ Πολύμνιν ἰατροῖσιν: ἢ δὲ ἀπειρία τῶν τιν' : *Experientia artem genuit: Imperitia verò fortunam.* Quod dictum *Aristot. l. 1. metaph. c. 1.* summopere probat. *Ars* quippe *constituitur*, inquit, cum ex multis experimentalibus conceptibus una de similibus universalis sit opinio. Quare si experientia artem peperit: sique primæ Medicinæ Proceres usu tantum atque experientia homines curarunt: & curarunt satis feliciter: haud ineptè nobis videtur concludere, experientiam in medendo arti & rationi antecellere.

Quintum ex caligine & imbecillitate rationis humanæ: & certitudine contra sensum, qui maximè & immediatè experientiam constituunt, sumitur. Etenim *intellectum & rationem Aristot. l. 2. metaph. c. 1. vesperilionum oculi in clarissimâ luce caculentibus comparat. Scaliger exercitat. 131. sect. 1.* scribit: nos in tenui rerum luce caligare: in mediocri cacutire: in majore cæcos esse: in maxima prorsus insanire. *Fernelius l. 4. meth. med. c. 3.* ingenuè fatetur, multa plerumq; solitariam meditationem & probabilem rationem suadere, quæ usu & experientia coarquat. Sensui verò tantum tribuit *Aristot. ut l. 3. de gener. an. c. 10.* illi magis, quàm rationi credendum esse statuat. Id quod & *Hippocrates* aliquot seculis ante *Aristotelem* suo calculo approbavit, cum *l. 1. de diet.* majorem fidem oculis, quàm rationibus & opinionibus adhibendum esse præcepit. A quorum sententia minimè alienus est *Galenus*. Nam in opere de *simpl. med. facult.* sæpius inculcat, facultatum medicamentis necessariarum certissimam judicationem esse experientiam: graviterque in veteres passim invehitur, quod neglecto sensu, solis quibusdam ratiociniis potestates & vires remediorum indagare fuerint conati. Verùm quid pluribus rationibus pro experientia

entia pugnamus? Annon *Experientissimi titulus*, quo Medicus hodie à doctis omnibus insignitur, indigitat, *Experientiam* in medicando, *Rationi* prævalere? Nunquid non libentius & confidentius literati pariter atque literarum ignari corporis sui curam illi committunt Medico, cujus peritia jam ex medendi dexteritate innotuit, quàm qui sine experientia subtiliter de humani corporis principiis & affectionibus disserere: speciosè de morbis, morborumque causis & symptomatibus verba facere: eleganter signorum doctrinam explicare: rationaliter modum conservandæ sanitatis describere: denique methodicè morborum curationem genericam ostendere valet?

## II. *An Medicina juxta Virgil. l.12. Æneid.* fit ars muta?

**E**Rat quidam *lapis* nomine, cujus pater jam erat senex, debilis insuper ac inter limites desperatæ salutis constitutus, hic ut fida parentis protraheret, ab *Apolline* petiit artem medendi; id quod *Virgil. l.6.* his versibus tradit:

*Ille\*, ut depositi proferret fata parentis,  
Scire potestates herbarum, usumq; medendi  
Maluit, & mutas agitare inglorius artes.*

\* *Lapis.*

In quibus versibus notandum venit, poëtam *artes Medicas* vocare *mutas*; quod in artis Medicæ opprobrium allatum esse videri posset cavillatoribus: Verùm si Poëtæ verba aquâ lance ponderentur, nihil in artis hujus vilipendium inde deduci poterit. Dicimus itaque I. Poëtam locutum esse *comparativè*, respectu musices, poëseos & vaticinij, quæ voce exercentur; Medicina verò operatione, herbis scil. non verbis. Juxta illud *Celsi*, morbi non eloquentiâ, sed herbu curantur. Sicut & dicterium illud habet, *Ἰντρος ἀδελωχῶν νοσούντων πάλιν νόσος*, loquax medicus aegroti novum morbum. Videatur etiam *Ianus Damascen. aph. 50. & 53.* H. Locutus quoque est Poëta, *distinctorè*, distinguens scil. inter *Medicinam Empiricam & Rationalem*, Unde dicit *lapidem* scire voluisse potestates herbarum, & usum medendi; non ergò doctrinam & scientificam cognitionem: quare

quare meritò additur, & *mutas agitare inglorios artes*, id est, tales artes, quæ in simplici operatione consistunt, ac è quibus nulla gloria expectanda foret. *Empiricam* autem Medicinam *mutam* artem esse, exinde constat, quòd careat certis principiis aut fundamentis, è quibus vel possit disputari, vel remediorum facultas examinari, quâ ratione hoc vel illud exhibeatur. Verùm longè alia ratio est *dogmatica Medicina*: Huic quippe operam dantes, non solum respiciunt ad medicamenta, quæ aliis auxilio fuere, sed antequam aliquid agant, naturam corporis, cui mederi conantur, diligenter, omnium signorum exquisita habitâ ratione, causarum omnium, in quas quotidie corpus incidens, vel salubrius vel insalubrius se ipso efficitur, vires inquirunt: nil omittentes, quod ad legitimam curandi rationem requiritur; quo, si petatur, curationis suæ rationem reddere queant.

### III. *Utrum præstet bonum esse Medicum, an vero bonum Chirurgum?*

**O**Lim duæ hæ artes, *Chirurgia* nempe ac *Medicina*, non discernimatur erant personis, sed citra ullum honoris incommodum Medici Chirurgiam quoque tractarunt. Quare *Senec. Epist. 52. Nunquid ager laudat Medicum secantem?* Et *Ioh. Chrysost. Orat. 1. de S. Rom. Martyr.* scribit, καλεῖται λογὸν ἐπὶ τὴν τομὴν ὁ ἰατρός, vocetur ad sectionem Medicus. Quibus calculum suum addens *Div. noster Hippocrates, in lib. de Medico*, Medicis tribuit χειρουργίαν, τομὴν ἔκαστον, *Chirurgiam, sectionem & usionem.* Quantum autem hæc in arte præstiterit *Hippocrates*, satis declarant libri ejusdem, *de capitu vulneribus, de ulceribus, de officina chirurgica, ac de articulo*, quos deinde *Galenus* diligentissimè interpretatus est. Ambæ igitur sub iisdem Authoribus sunt natæ, nec *chirurgia* alia, quàm *Medicina* præcepta, nec aliæ demonstrandi sunt leges. Procedente tamen tempore, duæ hæ artes diversis personis sunt commendatæ, tum quia operosum erat pro quocunque ulcusculo medicum consulere; tum ut *Medicinæ* dignitas splendidior evaderet, cum rationis facultatem liberalem assumerent *Medici*, quidquid manuum

num opera geri solet, *Chirurgi* committentes. Non igitur immeritò quari potest, *num præstet bonum esse Medicum, an verò bonum Chirurghum?* Ad hanc quæstionem respondent alii, *Chirurghum* bonum esse præstare. Ratio, quoniam *Chirurghus* ea perficit, quæ natura planè nequit peragere, luxatos artus reponendo; fracta ossa aptè componendo; composita artificiosè deligando: deligata rectè collocando: ne aut dolor aliquis oboriatur: aut pars fracta distorqueatur: & infinita hujus generis alia. *Medicus* è contra saltem naturam in actionibus suis aut imitatur, aut adjuvat, quo vel feliciores, vel citiores fiant. Verùm nos respondemus *Bonum Medicum* prævalere; hâc ratione ducti: quoniam nomen *Medici* latius patet quàm *Chirurgi*. Potest enim quis esse *Medicus*, & simul etiam *Chirurghus*, sed ab hoc, non contra licet argumentari, hic est bonus *Chirurghus*, Ergò & bonus *Medicus*. Imò cùm *Medicina* ex triplici petatur fonte, *Diatetico* nempe, *Pharmaceutico*, ac *Chirurgico*, necessariò requiritur, ut *Medicus* sit etiam *Chirurghus*, ad minimum actu primo, licet non sit talis actu secundo. Quia enim ea ferè omnia quæ à chirurgis tractantur, originem agnoscunt à causâ interiore, quæ consideratio atque curatio planè est *Medica*, ideoque omnium, quæ foris existunt atque geruntur, rationem *Medicus* tenet, qui *Chirurgi* opus dirigit, *Chirurghus* verò ipse manuum usum & exercitationem præstat: Et per consequens *Chirurghus* instrumentaliter per *Medicum* facit, quod natura nequit.

#### IV. *An Fortuna requiratur in Medico?*

**N**olumus hic prolixi esse, in recensendis variis vocabuli *Fortunæ* acceptionibus, quæ passim occurrunt, sed solum hoc modo quærere, *An felicitas necessaria sit Medico, & per consequens medicus, plus efficiat fortunâ quàm arte?* cùm permulti hodiè eorum, qui faciunt *Medicinam*, etiamsi non adeò sint docti, & agyrtæ, & pharmacopœi, eorumque ministri, & alii plurimi, quibus eventus aliquando responderet, in levioribus morbis, quos etiam natura superare valeret, à vulgo dicantur fortunati:

Aristot. 3. metaph. c. 2. & 2. phys. c. 6.

fortunati: Sic & illi I. dicuntur fortunati, qui ad multos acceri-  
 ri solent ægros, eosque restituunt sanitati. II. Illi, qui pru-  
 dentes sunt, & in arte bene versati vocantur fortunati. Sed  
 hæc vulgi opinio nihil ad rem facit. Dicimus itaque curatio-  
 nes medicas *non à fortunâ, sed ab arte dependere*: idque Pri-  
 mo, ex definitione fortunæ, quæ est; *Fortuna est causa per acci-*  
*dens, in iis qua agunt ex electione.* Morbi autem non curan-  
 tur per accidens, sed legitimâ administratione remediorum, quæ  
 legitima administratio non à fortuna pendet, sed doctrinæ &  
 iudicio Medici innititur. Rectè hinc scribit Hippocrates lib. de  
 loc. in hom. *Si morborum medicamenta certa sunt, quorsum for-*  
*tuna opus, aliâs tam medicamenta, quàm non medicamenta cum*  
*fortuna exhibitâ proderunt.* Secundò, ex Etymologia nominis:  
 fortuna quippe dicta est à ferendo, quod temerè & sine ratio-  
 ne feratur. Cùm itaque temerè feratur, fit ut sæpissimè suo  
 frustetur fine, eundemque rarè assequatur; ars verò sæpissimè  
 consequatur finem: idcirco concludendum videtur artem plus  
 in morbis valere. Et Tertiò, quia *ratio plus in curandis morbis*  
*potest, quàm temeritas*, experientia quotidiana hæcenus testa-  
 tum fecit, Viros prudentes semper eligere potiùs scientissimos  
 quosque ac experientissimos, quàm temerarios & fortunatos,  
 quique casus etiam plerunque insuetos ex adverso occurrentes,  
 & morbos antea non visos, neque auditos, ratione ducti supe-  
 rare noverint: non si quæ ars alia, & medicina sanè omnium  
 maximè ratione nititur potissimum, & experientiâ stabilita, sine  
 quâ manca semper futura sit: Ex quibus ut ratio temeritatem  
 respuit, sic experientia casum, quem in experientiæ filium  
 esse novimus. Vbi autem *plurimum artis, ibi minimum fortuna-*  
*na.* Quando verò cum Hippocr. & Galeno fortunam hic ab arte  
 rejicimus, eandem non planè, ut causam secundam, è me-  
 dio tollimus; sed ad munia sua tantùm revocamus, ne se-  
 tanquam pars artis facta, officio alieno arti debito admisceat.

Roderic. à Castro quæst. medic. polit. l. 1, c. 11.

## V. An Natura, an verò Medicina curet morbos?

O Missis philosophicis acceptionibus vocabuli *Natura*, Me-  
 dicâ



dicā significatione *Galeno* denotat, vim quandam seu facultatem totum corpus gubernantem. Pro hac pugnatur, quod sit *morborum curatrix* ex sententia *Hippocratis*, scribenris, *πύσσω φύσις* *ἰντροί*, *natura morborum curatrices*. Hac sibi viam invenit, per quas noxia materia egrediantur, ut ex *diavolus*, non quodam mentis discursu: & quamvis sit ἀπαίδευτος ἢ ἡ μάδισσα ἢ ἀδιδάκτος, indocta nulloq; usa magistra, ea tamen, quibus opus est, efficit. Hæc repugnante, irrita fiunt omnia. Verùm quæ hic afferuntur, non simpliciter sunt intelligenda, sed cum distinctione. Certum quippe est, artem medicam nonnulla majora, interdum etiam præstantiora gerere, quàm natura queat efficere, ut patet in luxatorum artuum repositione, *ὑποσφαγίων* in ulceribus & vulneribus ablatione &c. quia natura instinctu solo, medicina verò rerum ducitur cognitione & intelligentiâ. Quando itaque artificium humanum præsupponit naturæ vim, quam juvat, aut cujus defectum supplet, tunc plus potest ars naturæ subnixæ, quàm ipsa sola natura, quia tunc naturalis operatio juvatur & perficitur, per humanam industriam. Distinguendum itaque videtur inter causam principalem & primariam, quæ statuitur *Natura*, per facultatem præcipuè concoctricem & expultricem morbos curans: noxios humores vel concoquendo, vel consumendo, vel dissipando, vel eos per vomitum, alvum, ductus urinarios, cœcæque cutis spiracula evacuando. II. Inter causam ministrantem, quæ est *Medicus*, naturam adjuvans: quem ars medica instruxit, ut secundum artis præscriptum morbos curet. III. Inter causam instrumentalem, Medico subservientem, sub qua comprehenduntur, *Pharmacopœi, coqui, chirurgi, balneatores, vizothomi, herbarij, ancilla, &c.* adstantes ab Hippocrate dicti. Unde Medicus sæpè non solum sit naturæ minister, sed interdum adiutor, interdum etiam opifex primarius. Si itaque arti tribuantur ea, quæ sunt naturæ; tunc unaquæque per se satis potens est, nec alterius munus præstat, sed quælibet suo modo & ratione,

confert ad curationem morborum.

Com. 5. in lib.  
6. Epidem.  
S. 1. l. 2. de  
caus. sympt.  
c. 1.  
lib. de ali-  
mento.  
l. 6. Epidem.  
sect. 5.  
Lib. de lege.

## VI. *An Medicus pacisci debeat de Mercede?*

Negativa.

**D**iximus suprà cap. I. §. 23. pag. 17. ex Pindaro & Eusebio: *Æsculapium à Iove fulmine ictum esse ob avaritiam & avari cupiditatem*: Quare meritò in dubium vocatur, *utrum Medicus rectè accipiat mercedem, aut cum agra de ea pacisci possit?* Qui negativam tenent, adducunt I. *authoritatem Hippocrati* populo *Abderitano* scribentis; *neque Viri Abderita, argentum per vim mihi obtrudite, sed libera artu libera esse finite opera; qui verò mercedem capiunt, hi scientias servire cogunt, veluti captivas ex priori libertate ipsas facientes.* Sed hæc ne patrocinantur? minimè gentium: Loquitur enim Divinus Vir de mercede, quam per vim exigit Medicus, non de ea, quæ ab amicis, & benevolentibus ultro offertur. Unde, *libro de præcept.* monet Medicum, *ut in accipienda mercede, omnem deponat acerbisatem.* II. Dicunt, *Spiritualia non posse ullo pretio absque simonia peccato vendi*: Sed Medicinam esse quid spirituale, E. non posse mercedem pro eâ recipi. Verùm resp. Medicum non recipere mercedem pro re quâdam spirituali, nec pro ipsa sanatione; quale enim præmium par esset sanitati? Sed pro labore, quem in curando impendit. Pro affirmativa stantes, quoque adducunt verba *Hippocrati*, ex *lib. de præcept.* scribentis, *Medicum à mercede curationem exordiri debere*, subdit idem, *si à mercede inchoaveris, conducit hoc universo negotio; aegroto quidem cogitationem inducens, quod non ipso relicto abibis: si verò non pacisceris, quod ipsum negliges, & de quibudam in rem præsentem non admonebis.* Sed ex hoc præcepto quæstiosi Medici, magno mortalium detrimento & scandalo, curationem omnem à mercede inchoandam concludunt, atque id, ubi morbus urget, quia (inquiunt) quæ ars non venditur, ea vilipenditur & propterea

Affirmativa.

*Exige dum dolor est, nam postquam pœna recepsit,  
Audebis sanus dicere, multa dedi.*

Sciant

Sciant autem illi hæc ab Hippocrate allata, cum grano salis esse accipienda. Distingueudum igitur videtur I. *inter Medicum ejusq. conditionem.* Alii quippe salaria seu honoraria annua habent, à Regibus, Principibus, ac benè constitutis Rebuspublicis, *Physici* inde dicti: Alii *Practici*, quibus nulla præbentur salaria. De illis planè negatur; De his aliquo modo concedi potest: observatis tamen iis, quæ subsequuntur. II. *Inter Divites Medicos*, qui ex bonis suis abundè possunt vivere: & inter eos, qui magnis opibus non dotati, sed subminiculo alieno necesse habentes. III. *Inter Aegros*, ex his enim quidam sunt divites, avari, &c. qui sine detrimento bonorum gratitudinis ergò quid communicare possunt Medico pro collato beneficio: illi imprimis, qui de valetudine suâ solliciti, toto curationis tempore volunt Medicum quasi sibi addictum apud se habere. Et inter eos, qui alienis necessitatibus opus habent; *Pauperes* quippe gratis curandos esse, præcepit Hippocr., Beatus quoq. dicit Prophetas, qui intelligit super egenum & pauperem, in diem mala liberabit eum Dominus. IV. Distingueudum inter ipsos morbos: I. *In venenatis & pestilentialibus*, ubi tùm ipsius Medici, tùm suorum, periclitatur salus, nil certè videtur impedire, imprimis si non sit constitutus Physicus, quin in tali casu pactum contrahat generale. II. *In acutis verò & urgentibus*, si pacisci volueris cum ægroto, verendum est, ne commoveas ægrum ad iram, indignationem, &c. ob quæ animi pathemata facillè in majus præcipitabitur malum, ac succumbet. III. *In Chronicis* quoque aliquid concludi posse videtur ex Hippocratis citato loco. Verùm quia respicit merces jam factum laborem, haud videtur, ante curationem paciscendum esse cum ægroto. Videatur Ripa de peste, ubi aliàs num. 125. & seqq. Caroc. de loc. & cond. pars. 2. rubr. de Med. quæst. 5. & Cagnol. in l. diem funto. ff. de off. assessor. n. 131. Nec etiam post curationem benè actum existimamus, siquidem Medicus avari nomen evitare voluerit: Observato eo, quod Soranus initio *Isagoges* præcepit; *Mercèdes*, inquiens, si quidem dentur, accipiantur & non recusentur: si autem non dentur, non exigantur, quia quantum quicq. dederis, non potest ulla exæquare mercede beneficia medicine.

## VII. *An Medicus senex Juniori sit praferendus?*

**D**UO artis Medicæ ostendimus esse crura, *rationem* scil. & *Experientiam*: Hancque non nisi in senem ac provectioris ætatis hominem, supra *cap. 3. §. 9.* cadere diximus. Hinc multi existimant, *Medicum juvenem ad curandum prorsus esse inutilem*, quoniam diutinam exercitationem, quæ ante canos non venit, nondum habere potuit. Unde illud Germanorum: *Ein newer Doctor, ein newer Kirchhoff.* Verumenimverò, licet, ut in aliis operibus, sic & in Medicina, *Senes præstent juvenibus*; fieri tamen etiam potest, ut juvenis in præceptis Medicis scientissimus, & in operibus non mediocriter exercitatus, tam in medendo, quàm in docendo Reipubl. sit utilissimus; si modo mente canescat, quamvis non mento, cani enim hominis, sapientia ejus, qui in brevi ætate tempora multa complevit. Quo autem talis juvenis, senex eruditione evadat, his ducibus voti sui compos fieri poterit. *Naturâ & ingenio*; naturâ quippe reluctantem, quicquid superstruxeris facillè corruet; *Ingenium verò naturale Medici*, inquit *Damascen. aph. 47. cum parvo artis adjumento adjuvat naturam.* *Doctrinâ* insuper, loco *studii apto, institutione à puero, industriâ, & tempore.* Quâ in re multum juvabunt boni manuductores. *Quæ enim*, inquit *Damasc. aph. 6. à Præceptore perito ac fideli percipiuntur, tutiora sunt, & minore jacturâ constant.* Committat igitur sese, bonus aliquando futurus Medicus, iis Præceptoribus, *monet Heurnium, in Introduct. Medic.* qui solidi quid studuere; neque iis qui frivola tractant, quo utilia, sana, & per totum vitæ ac praxeos tempus nobis proficua negligant. Ne exclamare cogatur, cum *Cratone in præfat. ad Fernel.* Deplorare magis, quam emendare seculi nostri miseras conceditur nobis! Dum enim Novatores declarant, nubes, nebulas, quo sol aliàs clarissimus, radios spargere nequeat, claritati antiquæ obducunt. Et dum cum Phaëtonte omnia reformare, novas leges ferre, omniaque vetera instituta mutare conantur, pervertunt hoc conatu omnia, cælumque ac terram commiscent. De his dicit Lutherus B.M. *Phaëton ist ein junger Regent / der will eyß*

eylff Regel treffen/ da nur neun auff dem play stehen. Quod tamen non ita dictum velimus, ut novitas planè repudietur, sed ut ita admittatur, ne vetustas suo loco deturbetur. Sicut itaque fieri potest, ut juvenis Medicus Reip. evadat utilissimus: ita è contrà sæpè accidit, ut senes plerique in neutra Medicinæ parte versati annorum numerum opponant, ac longum usum, qui citra ullam observationem in visendis ægris, non verò in arte medicâ, consenuerunt: & proinde in ipsa senectute juvenes. Hinc eloquentia pater Cicero, non faciunt, inquit, cani sapientiam aut ruga, sed ut cum magna doctrina, multum usum conjunxerit, necesse est. Qui enim, sunt verba Baptist. Salvat. controvers. 43. pag. 208. diu noctuq; dieq; artu medica studiis strenuè operam dederit, quo plus temporis in hi laboribus impenderit, plus sapere summo consilio existimandus est, & omni ratione sibi juniori anteponendus. Quod si quis neglectu studiis, solo Medici nomine contentus, usui se totum dederit; hunc ego neque se ipso juniore doctiorem fecero, neque experientia prestare facile dederò; cum non satis esse semper existimaverim, ad capiendam ex agrotorum inspectione utilitatem, multos vidisse: sed opus esse doctrinâ, & studio, cujus ope quid novi in iis sit, quod antiqui prateriisse credantur, aut cum eorundem placitis conveniat, cognoscamus; quibus instructi, ex multis, quæ nobis se offerunt medicamentis, quodnam ex usu sit, non ignoremus. Est noverca sapientia negligentia, & intermissio studiorum; è contra diligentia, & assiduitas, mater & magistra; ubi præsertim usu accesserit cum studio veritatis conjunctus. Ec tandem concludit: Ejusmodi ego senem usu & doctrinâ præstantem, (ergò non omnem) si non plurimi fecero, planè me impudentem judico.

Rod. à Castr.  
Quæst. Med.  
Polit. l. 2, c. 10

Atque hæc Æsculapio Inventore Medicinæ, & occasione hujus, pauca de Medico & ejus officio, impræsentiarum dixisse sufficiant: DEOque Ter OPT. Ter MAXIMO, pro infinitis in nos collatis beneficiis, immortales gratias agentes.

*Tendimus ad portum, & victu valedicimus undis.*

*Corollaria.*

## COROLLARIA.

1. *Confidentia agri in Medicum plurimum in curâ confert ad ipsius salutem.*
2. *Si Medicus sufficit ad cognoscendum morbum, sufficet quoq; ad illum curandum.*
3. *Nullum tam efficax remedium Medicina habes, quod solidum queat adferre praesidium, si ei victus ratio vel resistat, vel non adjuvet.*
4. *Rectè ut est curaturus, quem prima causa origo non sefellerit.*
5. *Qui bene dignoscit, bene medetur.*
6. *Est quoq; de officio Medici in curandis aegritudinibus diligenter dispicere, an in morbo lateat tò Θεοῦ τι, vel quid Divini.*
7. *Optima est curatio, qua fit CITO, TVTO & IVCVNDE.*
8. *Satius anceps est experiri auxilium, quam nullum.*
9. *Characteribus & figuris nulla via est & efficacia naturalis in curandis morbis.*

\*\*\*\*\*||\*\*\*\*\*

Hæc Errata B. L. sic corrigat.

Pag. 3. l. 12. Hing; leg. Hincq;. pag. 4. l. 34. filio l. filo. p. 5. l. 30. filia leg. filia. p. 6. l. 3. Doctius l. Dotius. ibid. Amymg; l. Amyniq;. p. 9. l. 22. לֵב l. לֵב. ib. l. 27. ἡ πορ l. ἡ πορ. p. 16. l. 13. Argv. l. Argiv. ib. l. 18. Myreph. l. Myreps. p. 20. l. 2. l. credabant. p. 32. l. 8. ferenda l. verenda. ib. l. 30. ipsi. l. ipsa. p. 37. l. 21. Σκῦπτρον l. Σκῦπτρον. p. 41. l. 28. intactus leg. intactus. ib. l. 34. P. l. arsenicum, vel auripigmentum. p. 42. lin. 25. flexusè l. flexuosè. p. 45. l. 6. morbu l. mortu, ib. l. 27. nuclei l. nuclei. ib. l. 32. Pinum l. Pinus. p. 47. lin. 24. sacfiaro. leg. saccharo. ib. l. 32. dele, habere. p. 50. l. 15. bestia l. bestia. p. 52. l. 23. à mortuis l. à canibus. p. 54. l. 20. dele. & l. 29. festo l. festus.

F I N I S.

